



天津交通銀行同
人俱樂部圖書室

駱文忠公奏稿卷四

起咸豐六年丙辰正月訖六月

目錄

郴州克復陣斬逆首摺

黔匪攻撲鎮筵綏靖沅州官軍擊退克復麻陽晃州摺

派員帶兵會剿黔匪片

援軍克復貴州松桃廳銅仁府兩城摺

陣斬偽軍師楊逆片

永明江華克復南路肅清摺

援江官軍兩路獲勝克復萍鄉縣城摺

彙保寶衡永三府肅清出力文武官紳摺

駱文忠公奏稿卷四目錄

援江官軍進逼袁州克復萬載縣城見籌進剿摺

官軍越境追剿粵匪疊勝王道因病請假未能速援江西摺

覆陳夏藩司朱牧能否帶勇赴援江西片


江西賊匪竄犯湖南東路各屬邊界官軍團勇擊退獲勝摺

賊犯湖北通城江道血戰捐軀懇 恩優卹摺

江巡撫之母捐助軍餉請 封片

已革晃州廳楊通判請畱任戴罪圖功片

保舉省城團防出力官紳摺



郴州克復陣斬逆首摺

咸豐六年正月初三日

奏爲官軍會剿踞郴粵賊壘獲勝仗收復州城分道窮追疊獲大勝陣斬逆首何祿及賊目多名郴桂各屬一律肅清恭摺由驛奏祈

聖鑒事竊廣東逆賊竄擾湖南其起事著名賊渠尙以數十計而皆推何祿爲首曾經奏明在案逆首何祿自竊踞郴城後分遣賊黨竄踞桂陽州茶陵州兩城其陰謀祕計以郴州綰轂楚粵可以號召兩省匪徒桂陽州可資爲犄角茶陵州可以北犯衡湘旁通袁吉也而其歸重則仍在郴城糧糗甲仗礮械均聚於此自桂陽茶陵兩城同日克復之後茶陵酃縣之賊先後奔竄江西又分股

駱文忠奏稿卷四

一

竄酃茶交界之湖口墟小汾一帶桂陽州之賊奔回郴城臣札飭選用道王鑫專圖郴州之賊而以衡永郴桂道李維醇所帶之勇統歸其調遣飭委紳江西補用知府劉長佑及候選同知趙煥聯守備田興恕等速剿酃茶交界之匪又慮郴賊從東路竄擾興甯酃縣以併竄江西調暫革參將李輔朝一軍從永興甯直抵郴城之東截之其時郴桂兩州各屬士民恨賊刺骨羣起團練捐貲派丁分布各隘與賊相持計各屬團勇不下十餘萬之眾該地方文武竭力董勸眾志益奮賊勢已漸衰矣王鑫自十月初十日以前屢次剿賊獲勝而瓦窰坪一捷賊之輜重甲仗俱失所斃悍賊尤多郴城外數十里地方漸次肅清遂於十九日移營進逼郴城

北路十五里之株木山署知州戚天保督團勇隨之是日及二十
二十一兩日賊分路撲營王鑫督各勇預伏以待令聞鼓則起三
次共斃賊八百餘名陣斬僞元帥侯姓生擒吳亞江等二十餘名
二十三日李輔朝帶楚廣勇進駐郴州東路二十里之唐灣二十
六二十七二十八等日督同郴州興甯各團勇分路剿賊擊斃先
鋒悍賊鄧亞苟賊目劉芳大及餘賊六七百名生擒七十二名賊
自兩路挫敗之後固匿不出官軍屢次攻撲輒憑城開礮飛石火
罐齊施卒不得近十一月初五日李維醇王鑫李輔朝署郴州知
州戚天保等密約四路環攻大舉并進賊背城布陣分支迎拒北
路王鑫等斬賊三百餘東路李輔朝等斬賊三百餘將誘賊出巢

駱文忠奏稿卷四

二

殲之賊知官軍難敵惟恃城上槍礮得以相抗終不遠離城根官
軍偽退賊亦卓旂不追相持不決管帶衡勇紳士同知銜前貴州
荔波縣知縣魏承祝憤甚棄馬而步持刀突前連殪紅袍騎馬賊
二名乘勝衝殺至北湖橋忽水星樓側伏賊二百餘齊出魏承祝
挺身格鬪爲賊叢刃所刺陣亡親勇王福羅繩祖殉之勇丁潘玉
海等奪其屍而還王鑫等傳令收隊回營初七初九兩日賊來撲
營均有擒斬劉長佑一軍既會同都司朱南桂千總趙福元等
於十月二十四二十八日兩次在酃茶交界之界首及太平頭等
處痛剿酃茶股匪擒斬千數百名賊首資姓亦被官軍擊斃生擒
賊目歐發寶徐昌劉德開數十名奪獲礮械旂幟轎馬無數土匪

紛紛竄匿有竄往江西者有逃歸郴城者地方漸次肅清卽遵臣前札將搜剿餘匪事宜交駐營茶陵之卽選同知趙煥聯辦理而自率楚勇赴郴會剿十一月初十日前隊甫抵郴州梯子嶺適郴賊分股數千出外掠食李輔朝卽督同千總李承立等及興甯團紳分途截擊斃賊四五百名盡將所擄米糧牲畜奪回十一十二十三等日賊眾分路撲營王鑫劉長佑李輔朝及郴州宜章興甯各團紳均獲勝仗擒斬共千餘名逆賊因米糧接濟俱斷食盡求戰每次撲營兇悍更劇於前王鑫等輒堅壁挫之十九日賊分股赴朱江橋掠食劉長佑等出隊掩擊擒賊目李意而歸二十五日逆賊分由正東大路東北小路偷竄劉長佑李輔朝潛師截擊斃

路文忠奏稿卷四

三

悍賊四五百名奪獲礮械無算逆賊食盡援絕將悉數冒死逃竄王鑫劉長佑等偵知之密約各路帶勇文武及團紳等於二十六日大舉進攻王鑫派軍功胡俊彥帶耒勇守備黃輔鼎帶健銳勇軍功林匯元等帶海勇由花園裏進戚天保督團紳李雲峰曹雲快等帶團勇由黃茅嶺進王鑫親率湘勇由北大路進劉長佑帶楚勇由東路梯子嶺進團紳首啟樑陳善溶勇目崔大光繼之李輔朝帶楚廣勇由長嶺進興甯團紳李若霞張震聲繼之積拉明阿陳秀芝蕭紹鈴等帶兵勇及團紳張選明等帶團勇由南路進二十六日卯刻官軍齊偪郴城賊不虞官軍速至卽紛紛奪路逃竄王鑫劉長佑戚天保積拉明阿蕭紹鈴等及各團勇縱兵痛擊

王鑫一軍及戚天保所帶團勇殺賊五百餘名生擒一百餘名奪獲旂械騾馬偽印冊簿不計其數劉長佑李輔朝一軍殺賊四百餘名生擒賊目李向元等二十餘名積拉明阿陳秀芝等一軍殺賊三百餘名生擒五十餘名同時收復州城賊由郴城西路雷大橋逃竄王鑫已預囑桂陽州團紳戶部主事陳士杰守隘以待并傳令郴桂交界各處團紳集勇守險節節攔截而自率所部湘勇緊追之是日殺賊約三千名生擒偽元帥劉順昌一名劉長佑李輔朝擒獲賊諜知賊將由桂陽州境竄臨武宜章邊界卽率楚廣勇全軍由南路疾進迎頭擊之王鑫於二十七日馳至桂陽州境之羊山沿途郴桂各鄉團眾已皆挺刃以待見賊卽刺自州城至

駱文忠奏稿卷四

四

羊山五十里間枕屍相藉斃賊不知其數斬戴紅風帽穿紅袍賊目約近百名所獲旂幟礮械偽印簿冊無算二十八日王鑫追賊至桂陽州之永甯鄉陳士杰帶桂勇黃輔鼎帶健銳勇遮賊去路王鑫令軍中不得俯拾器械及遺棄輜重違者斬各勇併力衝殺至酉刻斃賊約二千名團眾之零星截殺者不與焉劉長佑李輔朝追賊至煙兜坪沿途殺賊四百餘名生擒劉高李元等二十餘名廣勇百長羅福隆曹福勝王丙恆團紳陳順榮等生擒偽三軍都總尉定國伯朱顯輝卽朱發偽總管糧臺鄧金龍卽鄧西就解省二十九日賊踞黃茅嶺野牛洞王鑫派湘勇團勇斃零匪四五百名是日劉長佑追剿蔣家洞芙蓉洞零匪殺斃十餘名生擒五

名三十日卽選府經歷縣丞王勛冒雪勦黃茅嶺之賊是處亂峰環繞人迹絕稀賊眾見官軍至卽駭走其飢疲之甚者或投巖死或自縊死或負創僵臥以待斫所斃實亦無數可計餘匪分竄宜章界之安源及臨武界之水東其竄水東者是日王鑫追及之臨武團勇遮其前共斃賊數百有自刎於途者其竄安源者於三十夜四更後逃至泗溪是時劉長佑李輔朝已分途追及殺賊一千數百名生擒百餘內有僞元帥谷先棣搜出銀印一顆其由安源追賊之勇亦殺賊二百餘奪獲刀矛旂幟無數馬匹尙多而槍礮則絕少矣餘賊竄宜章瑣石地方十二月初二日劉長佑李輔朝追賊至毛栗墟有悍賊百餘潛由芙蓉橋逸出劉長佑督勇及各

駱文忠奏稿卷四

五

團勇圍擊全數殲之初三日卯刻賊由毛栗墟竄出劉長佑由泗溪一路李輔朝由梅田一路各率宜章團紳及廣東恩貢生謝大德軍功盧登谷所帶樂平勇一路截擊直至鷓鴣坪約共斃賊二千餘名內有大紅旂紅衣賊目楊三友生擒賊目何位馮甫田及餘賊六百餘名王鑫追賊至牛頭汾分路搜斬約殺賊數百名初三日賊竄宜章境黃沙堡王鑫督勇追及賊復竄逸乘勢掩殺至廣東連州境之十八間地方斃賊千餘名初五日追至潭源洞搜斬零匪二百餘劉長佑李輔朝率勇追至兩廣墟又窮追至水尾一帶生擒悍賊多名內曹子儀一犯卽十一月初五日在郴城戕害帶勇紳士魏承柷之賊也訊據生擒賊目羅禮供稱逆首何祿

於初二日在毛栗墟經官軍截傷後賊眾紛紛逃竄初四日伊同賊黨逃至黃沙堡查問各賊黨知偽右軍元帥陳義和偽參贊軍機洗子雲偽大司馬陳洪卽陳雄偽平安公楊天保偽總管三軍鎮楚大元帥黃胡連偽左輔正軍師何龍驤偽右弼副軍師朱璜卽朱三偽右軍軍師陳森偽兵部蘇玲等均先後經官兵殺斃偽都總尉朱發卽朱顯輝偽總管糧臺鄧西就卽鄧金龍俱經官兵生擒其餘各偽目經官軍擒斬者甚多不記確數其首逆何祿於郴城破後改裝易服一路潛逃因帶傷不能遠竄初三日已經官軍擒斬割去左耳髮辮當經劉長佑等派勇押回羅禮查認在毛栗墟近處山坡起獲何祿屍首適生擒何逆親隨梁忍至營令其

六
駱文忠奏稿卷四

辨認確係何祿屍首髮長近尺左眼角有微疤當將該逆首級并羅禮梁忍兩犯解省質驗經臣提署嚴訊并發交長沙府質審供認無異當將該首逆首級懸竿示眾并飭將朱顯輝卽朱發凌遲處死羅禮梁忍兩犯一併斬梟示眾其鄧金龍卽鄧西就一犯因受傷甚重行至永興縣界已伏冥誅經護解弁勇割取首級呈繳卽一併懸竿示眾其曹子儀一犯訊係戕害委紳魏承祝兇賊已札飭衡永郴桂道就近迎提該犯設立魏承祝神位將該犯凌遲處死剗心致祭斬首示眾以快人心至首逆何祿自上年在廣東東莞縣石龍墟糾聚黨夥起首滋事攻城掠野流毒楚粵兩省罪大惡極覆載難容仰仗

皇上天威將士用命兇渠得以授首計自收復郴城之後甫及旬日官軍沿途追剿各州縣團勇沿途截擊共計斃賊實不下二萬餘之多所獲軍裝器械山積郴桂一帶一律肅清實足仰紓

宸廑見在零星餘匪竄入連州牛仔營地方與該處落花匪徒會合該處山嶺奇險楚軍不悉地利難以進攻臣已飛咨廣東督撫提臣韶州總兵札飭南韶連道及連州文武乘此賊勢飢疲窮蹙至極之時迅速堵截免致蔓延據劉長佑李輔朝稟報該州文武已飭弁兵團勇迎剿頗有斬獲臣仍札飭李輔朝駐營宜章邊界之黃沙堡遇有會剿之約卽帶勇星馳協同剿辦務期悉數殲除免遺兩省後患詳閱各州縣所訊粵賊口供此次犯楚逆賊除周

駱文忠奏稿卷四

七

春王崇開葛廷李興見踞江西外其餘各頭目經官軍擒斬者實已不少惟賊首陳金剛一犯據黃成章卽黃遠達供稱該犯業經官軍擡礮轟斃賊目朱子義之妻朱白氏口供曰見伊夫朱子義經官軍陣斬宜章團紳呈解奪獲旂幟等件內有大黃緞馬褂上綻團龍及大紅風帽一件均血迹濃染據稱所斬之賊實係逆首陳金剛俱未敢據爲確證土匪頭目李石保頃據王鑫稟報已經陣斬亦恐尙未確實王大才一犯迄無下落臣見飭各屬文武傳諭團紳嚴密搜查毋因各逆有已死之傳稍事鬆懈此次在事文武弁勇及各屬團紳奮力圍攻克復城池後分途搜剿殲除首逆實屬備歷辛勤始終奮勉不遺餘力選用道王鑫由耒陽進剿克

復桂陽州城後連復郴城星夜追剿斬殺最多厥功甚偉其行兵
進止有度深協機宜尤爲難得該員已疊蒙
天恩甄敘年力正壯效力承

恩之日方長惟該員父母年老兩子王勛王鑫頻年戎馬馳驅未
遑啟處向例非實任人員不得邀請

封典可否叩懇

逾格鴻慈准將該選用道王鑫照實任道員例

給子該紳父母四品

誥封以彰

錫類之仁而示教忠之義伏候

駱文忠奏稿卷四

八

聖裁江西補用知府劉長佑自東安剿賊疊勝以後在新甯擊賊
解圍嗣經臣調赴郴桂一路先剿鄦茶之匪兩獲全勝此次克復
郴城窮追逆賊殺獲甚多克殲巨憝該員慮事精詳賦性醇篤久
歷戎行深通方略應請

旨以道員歸部卽選暫革副將銜補用參將李輔朝被參後尙知
愧奮屢獲勝仗追賊迅速斬殺甚多應請

旨開復革職處分以參將畱於湖南補用桂陽州紳士戶部額外
主事陳士杰自賊陷桂陽州後倡率團紳帶勇殺賊屢著戰功會
同王鑫克復城池後又帶勇援剿攻撲州城之賊及此次迎剿郴
城竄逸之賊殲斃獨多厥功甚偉應請

旨以員外郎儘先補用并

賞戴花翎署耒陽縣知縣張濟遠帶勇會剿屢次獲勝并派勇隨同攻克城池人尚樸實官聲亦好請以同知升用先換頂帶署安仁縣知縣鄴縣知縣李逢春帶勇會剿獲勝守城殺賊著有勞績請以同知升用先換頂帶并請

賞戴藍翎同知銜前貴州荔波縣知縣魏承祝辦理衡陽團練殲除土匪多名擬保同知茲復帶勇殺賊首先衝鋒手刃悍賊慘被戕害死事最烈請照同知例

賜卹以慰忠魂此外在事實尤爲出力文武官弁紳勇及陣亡紳勇人數最多容臣核明分別彙案開單請

略文忠委稿卷四

九

旨獎卹以作士氣而勵戎行其失事文武知署郴州知州戚天保署桂陽州知州梅震榮畱署宜章營參將積拉明阿宜章縣知縣陳秀芝興甯縣知縣陸費棻茶陵州知州王宏謨雖於失事後督帶兵勇隨同克復城池究屬疏防於前均應請

旨革職以示懲儆惟戚天保梅震榮兩員見在督辦團練尙頗出力可否暫畱該處幫同後任辦團搜匪以觀後效之處出自

聖裁署鄴縣知縣梁作霖於失事後雖旋即督同紳勇收復城池惟事前未據稟報未免意存規避仍應請

旨革職署永興縣知縣王雙福於該處失事後旋即收復該縣又向無城垣情罪較輕惟遇事張皇辭誇膽怯實屬無能應請

旨革職永不敘用此外失事文武容臣核明功罪請
旨辦理以昭公允是否有當謹據實陳奏伏乞

皇上聖鑒訓示施行謹 奏

硃批另有旨欽此

咸豐六年正月十四日內閣奉

上諭駱秉章奏粵賊竄踞郴州官軍會剿收復州城并窮追疊勝
陣斬首逆郴桂一律肅清一摺前據駱秉章奏湖南桂陽茶陵兩
城同日克復之後茶陵之賊奔竄江西桂陽之賊奔回郴州經駱
秉章飭令選用道王鑫等兵勇會剿上年十月間在瓦窰坪等處
連次獲勝殺賊千數百名及數百餘名不等前次移營進逼郴州

駱文忠奏稿卷四

十

大舉環攻賊之出城撲營及分途掠食者均經擊殺殆盡至十月
二十六日王鑫率同已革參將李輔朝江西補用知府劉長佑及
署知州戚天保等兵團分路進攻齊偏州城該匪紛紛驚竄各路
縱擊是日殺賊三千餘人當將州城收復餘賊竄逃各路并經我
軍追剿及郴桂各屬團練截殺自十月二十七至十一月初五等
日在桂陽州境之羊山永甯鄉等處擒殺賊匪一二千名或數百
十名搜戮殆盡地方一律肅清逆首何祿自郴城破後帶傷逃竄
經官軍擒斬當將首逆首級及生擒賊目朱顯輝等一併解省凌
遲梟示所辦尙屬妥速選用道王鑫著照實任道員例賞給該員
父母四品封典江西補用知府劉長佑著以道員歸部卽選暫革

副將銜補用參將李輔朝著開復革職處分以參將畱於湖南補用戶部額外主事陳士杰著以員外郎儘先補用并賞戴花翎署未陽縣知縣張濟遠署安仁縣知縣鄴縣知縣李逢春均著以同知升用先換頂帶李逢春并賞戴藍翎同知銜前貴州荔波縣知縣魏承祝辦理衡陽團練屢立戰功茲因克復州城殺賊陣亡著照同知例交部議卹署郴州知州戚天保署桂陽州知州梅震榮畱署宜章營參將積拉明阿宜章縣知縣陳秀芝興甯縣知縣陸費棻署茶陵知州王宏謨雖於失事後督帶兵勇隨同克復城池究屬疏防於前均著革職以示懲儆戚天保梅震榮見在督辦團練出力均著暫畱該處辦團以觀後效署鄴縣知縣梁作霖署永

駱文忠奏稿卷四

十一

興縣知縣王雙福均於失事後旋經收復城池惟梁作霖意存規避王雙福懦怯無能均著革職王雙福并著永不敘用此外出力官紳人等及陣亡紳勇著查明奏請獎卹其餘失事文武一併查參欽此

黔匪攻撲鎮筩綏靖沅州官軍擊退克復麻陽晃州摺

咸豐六年正月初三

奏爲黔匪攻撲鎮筩綏靖兩鎮偪攻沅州府城均經官軍剿擊獲

勝解圍弁克復麻陽縣晃州廳大獲勝仗恭摺馳奏仰祈

聖鑒事竊貴州近楚一帶民苗俱變銅仁府松桃廳失守之後賊

撲鎮筩城垣官軍大獲勝仗立即解圍情形曾經臣奏報在案嗣

據探報該省思南石阡思州三府均先後失守楚邊情形日急臣

比卽飛催由省撤回之兵勇星速趨程前進十一月二十二日逆

眾復撲鎮筩城垣官軍迎擊獲勝業經鎮筩鎮臣文安奏報護辰

永沅靖兵備道翟誥於十一月二十六日派屯弁梁友芳朱興貴

苗守備麻學道龍子明舉人吳自烈等各帶練勇土兵幹勇乾勇

駱文忠奏稿卷四

三

共二千六百名飭前署鳳凰廳同知洪慶華管帶剿銅仁西南界

新場堡之賊斃賊八十餘名適由省城撤調之道標守備田宗蕃

守備張萬書熊興柏等管帶兵勇回鎮聲威益壯翟誥卽與文安

會商派委田宗蕃總辦剿賊事務并將洪慶華所帶之兵分一千

一百三十名交其管帶探報銅仁之賊萬餘已至廖家橋松桃之

賊數千已過烏草河田宗蕃督兵勇先剿廖家橋之賊甫至菖蒲

塘賊遽駭走跟追至廖家橋斃賊數十名生擒三名奪獲銅礮三

尊擡礮擡槍七杆旂幟刀矛各械二百餘件馬二匹賊眾卽紛紛

鼠竄而去初四日苗守備吳永清龍再霖等剿烏草河股匪斃賊

一百餘陣斬從逆苗舉人吳國清生擒賊黨十七名奪獲礮械旂

幟甚多賊亦旋遁此鎮竄一路情形也賊自竄陷貴州思州府之後連陷玉屏縣湖南晃州一廳三面孤插黔疆該廳通判楊泰來練勇防堵支持半載適鎮竄屢次告警該鎮道將前調赴晃助防之兵勇三百名撤回所續調之綏靖長安三營官兵三百又尚未到賊於十一月二十八日分五路來犯晃州故無城垣練勇星散遂致失守十二月初三日由晃州分撲沅州府城麻陽縣城沅州府知府方傳穆署沅州協副將常明芷江縣知縣嚴升偉署都司黃文燦等率兵民嬰城固守賊從窰灣塘渡河蜂擁而來四面環攻黃文燦率兵丁江登恆龍登桂等親開大礮各城兵勇槍礮齊施斃賊約數百餘名并轟斃紅旂賊日一名賊退踞近城水府廟

駱文忠奏稿卷四

三

及焚燒未盡之民房兵勇舒安得楊宗倫等奮勇下城縱火賊無所匿仍肩負木梯攜牌冒死撲城城上兵勇槍礮齊施拋擲輒石復斃賊多名奪獲雲梯三十餘架攜牌三十餘面是夜四鼓賊始敗退初四日辰刻復齊攻四城該文武等督飭兵勇開放連環槍礮轟擊斃賊十餘名賊仍敗退方傳穆常明總兵出擊監生唐鍾泰陳宏恩童生曹价藩常鞏昌等帶勇預伏近城山坡伺便夾擊賊匪見官軍下城列陣抗拒兵勇奮躍而進截斃執大紅旂賊目一名賊陣大亂官軍乘勝搏擊斬賊四百餘名生擒百餘名賊遂奔竄唐鍾泰帶勇截擊手刃騎馬賊目一名而奪其馬勇目吳雙生擒二賊各勇亦生擒二十餘賊復合隊追擊十餘里沿途斃賊

三百餘名奪獲鳥槍刀矛小旂多件兵勇共受傷二十七名練勇鄉勇共陣亡十餘名賊仍由大路竄逸方傳穆常明飭黃文燦率沅州協署千總李斗南署把總羅宏點吳得貴靖州營署把總吳自申綏甯營把總曾貴隆等嚴升偉派團紳涂士桂楊兆松等督帶兵勇躡蹤緊追至巖田圩斃賊四百餘名生擒一百五十餘名團總武生楊祖校生員毛會之杜文彬署晃州守備熊廷烈等迎頭截擊斃賊百餘名生擒十五名奪獲賊馬二匹旂幟刀械甚多餘賊仍卽竄回銅仁其分股賊匪於初四日竄入麻陽縣城翟誥聞報卽會商文安飭張萬書統帶各兵勇於初七日馳往勦辦并飭代理鎮標中軍遊擊王坤酌帶弁兵洪慶華等募帶新勇隨後

駱文忠奏稿卷四

四

策應初九日張萬書等分三路前進賊亦分股出城迎拒其由韓子坳小路前進一軍先與賊遇兵勇排列擡槍連環轟擊賊匪驚潰追至近城二里許張萬書大隊兩路馳至先截白巖坳韓子坳兩路敗回之賊槍礮齊施刀矛并舉斬首七百餘級梟水溺斃者不計其數城外之賊見兩路之賊俱敗蜂擁進城張萬書率軍功吳宗德等卽躡蹤奪門而入署鎮標後營守備包順科署麻陽縣知縣楊以寶汎弁楊正科等各帶兵勇繼進生擒頭戴紅風帽身穿黃馬褂騎馬賊目二名賊黨三十餘名內有僞軍師陳開勳斬首三百七十餘級奪獲僞印一顆轎馬礮械旂幟無算縣城立卽克復晃州廳亦經該文武團紳自行收復其沅麻交界之榆樹灣

向多土匪適前都司宋廣東帶兵踵至搜斬數十生擒李三崽田
光全李二崽李富喜李五娃五名奪獲鳥槍刀矛數十杆此沅州
府擊賊解圍官軍援剿麻陽大獲勝仗克復縣城并收復晃州廳
實在情形也其分犯永綏廳股匪亦於十二月初五日分五股撲
鎮城署綏靖鎮總兵榮山署永綏廳同知但文恭督飭兵勇分布
垛口開礮轟擊兵練告請奮勇下城殺賊生擒執旗賊二名團勇
隨之斃賊二百餘名是日戌刻賊首僞將軍烏姓復率賊攻撲榮
山飭令右營都司龍金源派兵下擊斃賊百餘生擒賊目二名奪
獲旂械多件初六夜有從逆已革苗守備石宏德卽石文蘭等裹
脅各苗前來撲城縱火焚城外民房延燒甕城當經兵練救熄連
拋火罐燒斃賊匪數十生擒數名奪獲雲梯數架賊始卻退猶竄
踞隆團寨希圖乘虛竄撲適委署永綏廳同知長惠馳抵廳城接
印任事署提臣樊燮調派儘先都司楊名聲等亦帶兵繼至長惠
隨選派紳士齋示分赴各苗寨宣布

駱文忠奏稿卷四

五

國威剴切開導令各苗寨細獻匪黨免其剿辦并購綫誘擒從逆
之石宏德石含玉等十六日長惠帶兵行至六里排樓地方卽據
上下六里各苗寨紛紛投誠細獻匪黨長惠卽於軍前分別辦理
十七日兵進隆團苗人跪道乞撫所遣眼綫亦誘同石宏德石含
玉吳國鴻等縛黔賊僞將軍孫正基至營十九日榮山帶兵至隆
團長惠押犯回署分別良匪剿撫兼施以期迅就肅清此永綏廳

守城殺賊擒獲首逆情形也銅仁逆賊瞰鎮筰官軍分援麻陽意圖乘虛復犯田宗蕃等偵知飛調張萬書馳回協剿十二月十六日探賊已入境卽督兵勇迎頭擊之遇賊柳木屯田宗蕃熊興柏張萬書三路鼓勇齊進田宗蕃及屯兵梁友芳轟斃騎馬賊目一人三路掩殺十餘里始行收隊殲賊甚多墜巖死者無數賊退銅仁界大興場人數尙復不少文安見加派署鎮標右營遊擊陝西舊洮營都司侯光裕帶兵勇前往助戰而鎮筰西北路苗地經苗守備吳永清龍子明麻文貴龍再霖舉人吳國瑞搜剿從逆苗寨亦疊獲勝仗初九日復攻松桃逆苗於蘇麻寨斬首六百餘生擒十餘見正移剿西涼苗寨苗守備龍子亮麻學道龍秀實吳成先

駱文忠奏稿卷四

六

等搜剿新寨田坪痞苗分途招撫山牛塘苗眾十八寨鳳凰廳苗地漸可肅清惟永綏廳苗地尙須乘勢分別搜薙以淨根株晷詰擬俟鳳凰苗地肅清之後分遣鳳凰廳得力苗備弁前往幫同辦理期收以苗治苗實效此又鎮筰官軍截剿銅仁賊匪鳳凰廳苗備搜剿苗寨獲勝及見在辦理情形也臣維貴州銅仁思州兩府松桃一廳與湖南晃州鳳凰永綏三廳及四川酉陽秀山等處接壤苗地毗連以苗疆而論則鳳凰廳永綏廳最爲喫緊昔時平苗之後於此兩建重鎮原有深心以兩省而論則晃州廳沅州府扼黔楚津要據西北上游形勢尤重臣故於黔省銅仁松桃失守之後卽撤調省防三廳兵勇回伍并咨署提臣帶兵進駐辰州蓋欲

以壯三廳聲威并策應沅晃也銅仁賊匪連陷黔省數府廳句結
愚苗逆燄頗熾然人數雖多率皆一時烏合之眾迥非百戰悍賊
可比黔中文武未曾一矢相加坐視狻猊遂成滋蔓非果逆賊兇
狡鋒不可當也惟鳳凰乾州永綏三廳地方苗巢環集乾隆嘉慶
年間平苗之後前沅永靖兵備道傳甯創設屯防所有屯田均
係取之苗產意在鈐制苗民令其不至富强免生他釁六十餘年
治安之效可觀然當時均富苗之產以養屯丁苗民豈無咨怨特
迫於積威而不敢逞耳此次銅仁匪徒滋事句結黔苗倡言苗地
歸苗之說廣布逆示冀以歆動楚苗而破屯防之局幸官軍屢獲
勝仗而該苗民等久沾

路文忠奏稿卷四

七

聖化苗守備苗舉人等頗多稍明大義之人助官搜剿從逆之苗
多經擒斬被賊煽脅各寨亦多就安撫屯防大局尙未被其牽動
惟屯倉多被賊掠屯丁授食無資實爲可慮見在鳳凰永綏兩廳
及沅晃一帶兵力漸足如苗地一律肅清卽可以剿爲防迅圖撲
滅臣前已咨四川督臣貴州撫臣矣但客兵會剿可暫而不可常
且路徑非所素習人地生疏非黔省有可恃之官軍客兵亦恐難
期得力一切防剿機宜容卽隨時妥籌辦理具奏此次在事出力
之文武兵勇著有微勞可否彙入前次請保案內一併核明開單
保獎伏候

聖裁至失事之晃州廳通判楊泰來麻陽縣知縣楊以寶雖經隨

時收復城池并未出力應卽請

旨革職拏問失事各武職容再核明請

旨所有防剿情形謹據實馳奏伏乞

聖鑒訓示施行謹 奏

硃批另有旨欽此

咸豐六年正月十四日內閣奉

上諭駱秉章奏官軍剿擊黔匪獲勝并克復廳縣城池一摺貴州苗匪攻撲鎮筵城垣經護辰沅永靖道程誥派委屯弁梁友芳及苗守備麻學道等各帶兵勇進剿新場堡之賊斃匪八十名道標守備田宗蕃由菖蒲塘追剿至廖家橋斃賊數千名苗守備吳永

駱文忠奏稿卷四

支

清等剿烏草河股匪殲斃一百餘名陣斬從逆苗舉人吳國清生擒十七名該逆分路竄犯晃州復分撲沅州府城知府方傳穆與在城文武督率兵勇嬰城固守署都司黃文燦親開大礮各城兵勇槍礮齊施斃賊數百兵勇舒安得等下城縱火城上兵勇合力勦殺斃賊多名賊遂敗退方傳穆等縋兵出城擊剿兵勇奮力躍入賊隊傷斃賊目一名斬賊四百餘名生擒百餘名沿途追殺復斃賊三百餘名賊由大路奔竄方傳穆等督兵跟蹤追剿斃賊四百餘名生擒一百五十餘名團總武生楊祖校等迎頭截擊斃賊百餘名其分股賊匪竄入麻陽縣城程誥卽飭守備張萬書等統帶兵勇分路前進先在韓子坳遇賊擊潰追至近城二里張萬書

大隊馳至擊斬賊首七百餘級。梟水溺斃者不計其數。賊敗入城。張萬書率兵入城生擒賊目二名。賊黨三十餘名。斬首三百七十餘級。卽將縣城克復。其晃州廳亦經地方文武團紳自行收復。署綏靖鎮總兵榮山等督兵勦辦。永綏廳股匪兵練奮勇下城殺賊生擒執旗賊二名。斃賊二百餘名。從逆已革苗守備石宏德。裹脅苗眾撲城縱火。署同知長惠選派紳士出示曉諭。誘擒賊首各苗寨紛紛投誠。網獻匪黨石宏德等亦網獻。黔賊僞將軍孫正基一名。官軍分援麻陽時銅仁賊匪窺伺鎮筸田宗蕃等分路齊進。轟斃賊目一名。掩殺十餘里。殲匪甚多。墜巖死者無算。黔省苗匪竄擾湖南晃州等處。經地方員弁紳勇合力進攻收復城池。辦理尙爲得手。所有在事文武兵勇著駱秉章擇其尤爲出力者酌量保奏。晃州廳通判楊泰來署麻陽縣知縣楊以寶於廳縣失守雖卽收復并未隨同出力。著卽革職。拏問失守武職各員著該撫查明參奏。欽此。

派員帶兵會剿黔匪片

咸豐六年正月初三日

再上年十二月二十七日欽奉

寄諭蔣霽遠奏下游各匪日熾請敕川楚兩省帶餉會剿一摺貴州下游齋匪與夷苗各匪勢日鴟張兵力不敷分派川楚兩省毗連自應會同以剿爲防庶賊匪不致蔓延爲患前據黃宗漢奏已派遊擊傅峴帶兵一千名赴黔聽調并據文安奏賊由松桃分股徑撲鎮筵經該總兵奮力擊退是黔匪不靖川楚壤地相接非合兵會剿不足以禦兇鋒見在蔣玉龍傳峴辦黔邊竄匪如已得有頭緒著黃宗漢飭令該副將等相機進擣與黔省官兵協力夾擊毋得區分畛域專顧本境并飭提督萬福扼守川省門戶以爲蔣玉龍等後路聲援至窺伺楚境之賊雖經文安擊敗惟該總兵探有思南石阡思州三府先後失守之信晃州沅州相距切近是文安督兵由楚入黔藉資堵剿之處并著駱秉章妥籌調派欽此臣維黔匪滋擾連陷數府廳川楚邊界俱爲震動自非合兵會剿不足以迅掃狂氛誠如

駱文忠奏稿卷四

三

聖明指示臣於鎮筵擊賊解圍之後會咨商四川督臣貴州撫臣妥籌辦理尙未接准咨覆見在銅仁賊踞大興場邊界道標守備田宗蕃守備熊興柏張萬書及新升陝西舊洮營都司侯光裕等管帶兵勇正在追剿若能得手即可由此路躡蹤前進據探川兵見在秀山查該處出境卽係黔楚交界之所自可約期會剿惟永

綏廳苗民未盡帖伏鳳凰廳屬苗寨亦尙須料理將欲進剿黔邊必先肅清楚境庶師行可無後顧之虞又川楚兩軍越境剿賊人地生疏須黔省派有能事文武帶領得力兵勇前來會合彼此商同剿辦較爲周妥擬卽一面咨商貴州撫臣一面咨商文安并札飭護辰沅永靖道翟誥就近密酌情形妥爲籌畫兵機瞬息千變未可遙制如官軍克獲大捷賊膽已寒則乘屢勝之威風馳電掣亦或不俟川黔兵勇到齊始行進剿容再隨時馳奏以慰

廛念至文安久任鎮守於地方情形本爲熟練昨次擊賊解圍膽識堅定調度有方以之帶兵會剿原可勝任但該總兵足疾未愈舉動需人不便鞍馬於行陣實不相宜本省近來帶兵領隊各文

駱文忠奏稿卷四

三

武官紳每遇接仗緊急之際類多親率兵勇迎敵衝鋒山徑崎嶇必須下馬步戰其體質肥重者往往須人擁護轉覺出隊兵單古云肩輿督陣今則絕無其事也文安從容坐鎮固屬有餘臨陣指揮或恐難強臣不敢稍事遷就致負

垂詢之意道標守備田宗蕃與守備張萬書熊興柏皆係屢經戰陣之員見已屢獲勝仗派其會剿或可得力愚昧之見是否有當伏候

皇上訓示施行謹 奏

硃批另有旨欽此

咸豐六年正月十四日內閣奉

上諭駱秉章奏派員帶兵會剿黔匪等語據稱鎮筵總兵文安足疾未愈不宜鞍馬擬派守備田宗蕃熊興柏張萬書等督帶兵勇由大興場邊界追剿銅仁竄匪乘勝躡蹤前進等語卽著該撫飭令該守備趕緊辦會合貴州官兵以期痛殲匪類而欲綏靖黔邊尤必先清楚境永綏鳳凰兩廳屬尙有苗民未盡怙伏亦應迅速妥辦庶無後顧之虞其楚黔交界地方仍飭文安及護道瞿誥嚴扼門戶毋令匪蹤窺伺將此由五百里諭令知之欽此

援軍克復貴州松桃廳銅仁府兩城摺

咸豐六年二月初九日

奏爲官軍越境攻剿疊獲勝仗克復貴州松桃廳銅仁府兩城恭摺由驛馳奏仰祈

聖鑒事竊貴州自銅仁松桃被陷川黔匪徒及痞苗聞風響應從亂如歸先後攻撲湖南鎮筵綏靖鎮沅州府城垣隨經官軍擊退斬獲甚多并收復麻陽縣晃州廳兩城一切辦理情形均經奏報在案臣維黔賊以松桃銅仁爲老巢距川楚邊界甚近緊接苗疆逆賊雖敗遁歸黔然日久蔓延不獨三省邊疆均將受其荼毒且苗疆大局攸關深虞潰裂前於鎮筵敗賊解圍之後卽咨商四川督臣貴州撫臣妥籌會剿嗣奉

駱文忠奏稿卷四

三

寄諭黔匪不靖川楚壤地相接非合兵會剿不足以禦兇鋒見在蔣玉龍傅峴勦辦黔邊竄匪如已得有頭緒著黃宗漢飭令該副將等相機進擣與黔省官兵協力夾擊是否可令文安督兵由楚入黔藉資堵剿之處并著駱秉章妥籌調派欽此臣以兵機瞬息千變川黔道路遙遠若待兩省咨覆到日辦理恐涉遲延前於覆奏內會聲明如官軍克獲大捷賊膽已寒則乘屢勝之威風馳電掣亦或不俟川黔兵勇到齊始行進剿隨飛咨鎮筵文安札飭護辰沅永靖道翟誥一面搜剿楚境餘匪一面妥籌進剿機宜維時鳳凰永綏廳屬逆苗疊經該文武等督飭苗守備龍子明龍秀實麻學道麻文貴龍再霖龍在位等次第殲除漸有頭緒翟誥密

飭鳳凰廳苗守備吳永清舉人吳國瑞等於上年十二月十五日會貴州松桃廳同知恩彬出賊不意兩路進剿直搗賊巢楚兵由東路至五里牌遇賊二千餘直前迎敵吳永清等縱土兵痛擊斃賊多名陣擒僞將軍余老五賊眾大奔吳永清等率眾掩殺與西路松桃之勇會合復斃賊三百餘名乘勝斬關而入遂復松桃廳城十七日適攻撲永綏廳之賊經永綏官軍剿敗回巢吳永清等伏路截殺斃賊三十餘名賊之大股萬餘仍聚銅仁府境之大興場都司侯光裕吉隆阿守備田宗蕃張萬書熊興柏知縣洪慶華舉人吳自烈率苗備弁等逐日分路出隊每戰必勝先後攻破各隘生擒僞將軍吳長壽僞參謀萬林敖及田朝開等三十餘名斃

駱文忠奏稿卷四

五

賊無數賊屢挫之後兇威頓減遁回銅仁府城官軍躡蹤緊追直逼城外分紮距城半里之紫雲山架梁坡虎爪巖桐子巷各處自正月初旬安營以後連日槍礮環攻斃賊甚多賊勢益蹙適三元屯等處匪徒及牛欄場匪徒數千前來助逆官軍於三十四十五等日接戰斃賊約三四百名股匪驚懼潰逸城中賊見外援已絕十六日縋悍賊數千併力衝撲官軍營盤侯光裕田宗蕃千總周宏印外委唐本隆等分路奮擊斃賊數百名生擒賊目潘長璧等三十餘名奪獲旗幟礮械無算十七日賊復由東門便水門潛來劫營復被官軍擊敗十八日侯光裕田宗蕃等商派營屯兵勇更番攻城賊亦分三路迎拒斃賊百數十名正相持間忽股匪千

餘由便水門潛出計抄土兵之後經屯外委田慶品等奮力擊退三路賊匪亦敗遁歸巢十九日貴州松桃協始以黔兵二百至營二十三日寅刻侯光裕吉隆阿田宗蕃等派守備張萬書熊興柏千總周宏印署千總吳支陞外委唐本隆署把總左元勛千總舒萬年舉人吳自烈監生洪文源軍功楊逢新苗守備麻學道吳正邦等分督兵勇環城攻擊噴筒槍礮齊施城上煙霧迷漫咫尺莫辨預簡勇敢士卒豎梯蟻附而上大呼官軍上城賊眾奪路狂奔自相蹂踐兵勇吶喊追殺立斃城上之賊二百餘名隨開東北二門延納官軍侯光裕吉隆阿田宗蕃等整隊而入分數隊畱紮城外以備截殺署千總吳支陞監生洪文源各帶兵勇殺入考棚賊

駱文忠奏稿卷四

五

巢斬首三百餘級內有黃馬褂賊首一名賊拚死由江宗門衝出官軍躡蹤掩殺屍橫街市其已出城外者兵勇截殺百餘賊復折而北竄適侯光裕田宗蕃等大隊追至擊斃二百餘名迫之教場河邊溺斃者無數其泗水得過者兵勇悉追斬之共計擊斃溺斃賊匪約二千餘名生擒楊光沅等一百六十餘犯賊目劉季宗等九名奪獲騾馬八十餘匹旂幟大礮槍矛器械不計其數并奪回銅仁府印一顆銅仁城守副將關防一顆首逆徐廷杰是否被戮因無確據未敢冒昧敍奏見正札飭護辰沅永靖道翟誥督飭搜捕逸匪撫綏難民分別撤畱兵勇以節糜費此楚軍先後克復松桃廳銅仁府兩城之實在情形也臣以銅仁賊匪因錢糧肇釁原

與久蓄異謀者不同特以遷延既久川黔楚三邊亂民乘機附和遂致展轉滋蔓連陷數城并敢煽誘黔楚苗民撓壞屯防大局若必待川黔會剿正恐曠日需時賊勢更熾楚軍無可濟之餉而三邊懷不測之憂故於楚境略定後恪遵我

皇上由楚入黔諭旨次第督飭辦理仰仗

天威得以迅速竣事惟黔省近日盜賊橫行松桃銅仁雖經克復而首逆就戮與否尙未可知逃匿餘匪甚多尤須迅速搜捕以弭後患楚軍駐黔日久不獨餉饋難繼兼恐人地生疏徒勞無補且銅仁之變據各路稟報皆謂因錢糧起釁似官吏之徵收不善頑民之煽惑有詞如果屬實則爲拔本塞源之計亦非可徒恃兵威

駱文忠奏稿卷四

五

也仰懇

敕下貴總撫臣簡擇廉能勇敢文武員弁酌帶兵勇迅抵松桃銅仁妥爲經理一面搜緝逃匪以淨根株庶三省生靈免遭蹂躪而邊防可期永固矣至此次辦理進剿事宜鎮筵鎮總兵王安鹽運使銜記名道員護辰沅永靖兵備道翟誥調度有方機宜允協應請

旨交部從優議敘以獎微勞在事出力武職及營屯漢土兵勇紳民可否核明併案保獎之處出自

天恩理合恭摺馳奏伏乞

皇上聖鑒訓示施行謹 奏

硃批另有旨欽此

咸豐六年二月十八日內閣奉

上諭駱秉章奏官軍越境剿匪獲勝克復府廳兩城一摺前因蔣
霽遠等奏克復思南松桃兩城當降旨將該府廳縣及殉難出力
官紳分別准保議卹免其查辦并將是否出力之署副將鄂清交
該撫等查明具奏茲據駱秉章奏稱貴州銅仁匪徒經官軍剿敗
後退回老巢上年十二月間該撫飛咨鎮筸鎮文安札飭護辰沅
永靖道翟誥密飭苗守備吳永清等會同松桃同知恩彬兩路直
擣賊巢吳永清等縱土兵痛擊斃賊多名陣斬偽將軍余老五一
名賊眾大潰官軍乘勝掩殺復斃賊三百餘名遂將松桃廳城克

駱文忠奏稿卷四

七

復賊之大股萬餘仍聚銅仁境內都司侯光裕等率苗備弁先後
攻破各隘生擒偽將軍吳長壽參謀萬林教及田朝開等三十餘
名斃賊無數該匪遁回銅仁府城官軍直逼城外自正月以後連
日槍礮環攻賊勢益蹙其由三元屯等處前來助逆之賊亦經官
軍擊斃三四百名賊見外援已絕縋出數千衝撲營盤侯光裕等
分路奮擊斃賊數百生擒賊目潘長璧等三十餘名奪獲礮械無
算賊由便水門潛出股匪千餘翼抄土兵之後經屯外委田慶品
等擊退二十三日寅刻侯光裕等派守備張萬書分督兵勇環攻
躡筒槍礮齊施煙霧迷漫官軍大呼上城賊眾奪路狂奔自相踐
踏兵勇立斃城上之賊二百餘名侯光裕等整隊入城斬首三百

餘級內有黃馬褂賊首一名逆賊拌死衝出官軍跟蹤追殺屍橫街市其已出城之賊經兵勇及侯光裕等追溺截殺者共計二千餘名生擒楊光沅等一百六十餘名賊目劉季宗等九名奪獲騾馬旂幟礮械不計其數此次湖南官軍越境剿辦銅仁匪徒收復兩城甚爲出力鎮筵鎮總兵文安鹽運使銜記名道員護辰沅永靖道翟誥均著交部從優議敘在事出力武弁及營屯漢土兵勇紳民著該撫查明併案保奏候朕施恩貴州署松桃協副將遊擊鄂清仍著蔣霽遠查明具奏欽此

陣斬僞軍師楊逆片

咸豐六年二月初九日

再貴州松桃廳既經克復之後該廳同知恩彬畱楚軍同駐廳城以資鎮壓正月二十日有賊目僞將軍鄔黑虎僞軍師石阡府舉人楊大鏞帶賊千餘攻撲廳城經兵勇開放槍礮斃賊十餘名賊退紮西門外獅子巖二十一日辰刻賊眾復至恩彬會同鳳凰廳苗守備吳永清預派兵勇截擊砍斃坐轎賊目一名斬首三十八級生擒八名奪獲擡槍二杆烏槍十五杆僞印二顆刀矛無數據生賊口供砍斃坐轎之賊即僞軍師楊大鏞也鄔賊及餘匪逃至平浪壩復經該處練勇殺斃五十六名生擒七名見正會商勦捕謹附片奏報伏乞

駱文忠奏稿卷四

无

聖鑒謹 奏

硃批知道了欽此

永明江華克復南路肅清摺

咸豐六年二月二十四日

奏爲官軍收復永明江華兩縣城池晝夜窮追疊次大獲勝仗南路肅清恭摺馳奏仰祈

聖鑒事竊上年十月內廣西逆賊朱洪英孔亞幅鄧興爵由廣西灌陽攻永明縣城副將周雲耀殉節城陷其郴城賊首蕭元發焦玉晶女賊許氏等以官軍方攻郴城率夥黨數千潛襲桂陽州城經官軍擊敗轉竄嘉禾甯遠兩縣交界各處署臨武參將趙永年接戰失利死之均經臣先後馳奏在案賊旋襲踞江華縣城與永明之賊遙相犄角委紳選用道王鑫時方攻郴未下臣密飭王鑫先分軍援剿俟郴州事竣以大隊乘之并檄署江藍廳同知顏培

駱文忠奏稿卷四

三

甯接帶周雲耀舊部勇丁會督署永州鎮總兵朱瀚永州府知府黃文琛所派兵勇先圖永明之賊上年十二月初四日官軍紮營永明之午田橋該逆率賊數千分三路撲營都司蔣榮華從九張毓杰外委蕭榮芳縣丞張翔等出隊迎剿各斃賊數十名次日戰於上江墟亦獲小勝適其時郴城克復首逆就誅王鑫追剿屢獲大捷旋即捲旆西向十二月十二日已帶湘勇全軍馳抵道州十四十六十七等日顏培甯蔣榮華等督勇分路出隊均獲勝仗而十七日新墟一戰以二千餘勇擊六七千之賊鏖戰竟日擒斬頗多王鑫以江華永明兩城相距僅數十里賊蹤尙張擬分途并攻以殺其勢密約顏培甯等於二十日各率所部前進是日卯刻顏

培勳等正傳令出隊忽探報永明且股已於十九夜三鼓捲甲出城分兩路向江華疾走亦有竄回廣西者顏培勳急督諸勇奮追截其尾隊斃賊二百數十旋即入城搜斬餘匪數十名收復縣城是日卯刻王鑫分湘勇五哨同道州江華團勇千餘赴江華縣城外江東埠誘賊而自督大隊乘之忽探江華之賊由毛坪潛來撲營王鑫急引軍回伏營前俟其近營突出擊之斃賊六七十名賊由三路敗走官軍亦三路追之即選府經縣丞王勛追賊五里至永固橋忽探隔河賊旂林立不下六七千之眾敗匪已與合隊正錯愕間適永明報至方悟隔河之賊即永明竄出之股匪也王勛遽前薄之斃賊百餘名賊分由山徑竄赴江華縣城王鑫追賊至

駱文忠奏稿卷四

三

江華城外之三里亭城中賊出迎拒湘勇擊敗之擬遂乘勢入城適永明股匪已到即揮勇轉戰而前賊陣衝散即補府經歷郭品珍等督湘勇及團勇截殺百餘守備黃輔鼎追賊至羅坪亦殺賊數十名日暮收隊回營是日三路約共殺賊四百餘名生擒二十三名奪獲鐵礮兩座擡礮槍五杆烏槍二十二杆大小紅黃旗八十二面火藥鉛子八石馬三匹刀矛雜械三百餘件此收復永明縣城進剿江華永明合股之賊獲勝情形也二十四二十七兩日賊來撲營均經官軍擊敗共奪獲大小旂幟三十餘面槍礮刀矛四十餘件是時賊匪有零星竄回廣西者王鑫預派千總周文豹駐永明七都松柏地方連日擒斬數十內有賊目數名奪獲旂

械數十件署江華縣知縣任立誠率團紳張錦堂截勦逃匪連日亦有斬獲王鑫慮賊西竄添派千總左光藻帶勇四百與周文豹合隊截之本年正月初八日王鑫顏培爾分兩路攻城連破城東兩營賊悉退匿城內左光藻未到永明七都之先適粵西賊目馬廷柯盧維新馮振彩率股匪合撲周文豹營盤周文豹以眾寡不敵敗卻王鑫又添派守備黃輔鼎及永勇百長杜義品彭玉貴先後馳援初九日王鑫等率勇大舉攻城賊固不出槍礮連環施放僅斃城上賊百餘賊知官軍志在必克廣西賊已陸續逃回廣西廣東賊及永郴之賊欲仍竄廣東是夜棄城東走王鑫以輕騎追之斬賊數十迫之於河溺斃無數初十日收復江華縣城郭品珍

駱文忠奏稿卷四

三

及千總詹榮升率道州勇隨知縣任立誠入城防守顏培爾回江藍廳督團守隘防賊由此竄廣東王鑫自率湘勇新田勇躡蹤緊追十二日及之甯遠縣路亭賊見官軍至據險列陣以待王鑫督中路爲正兵以奇兵分左右抄之復派卽選知縣張運蘭等帶勇五哨潛由塘下村出擊路亭之背賊目奉光球率悍賊直犯中路湘勇王道達手刺奉賊墜馬餘賊辟易有紅衣女賊持矛躍馬率其黨鏖戰正相持間忽賊陣大亂王鑫知三路兵到督勇奮威衝殺左右盪抉斬賊千餘生擒仁義堂賊目歐陽順軍帥蔣五師帥黃在位蔣飛天蕭二等八十餘名立斬之其爲亂刃所斃者則不及辨識也日暮收隊賊拋棄旂械服物狼藉道路未暇拾取是夜

探賊由藍山小路竄去卽披營追擊十三日午刻及之柵木橋賊奔晡時戰於三眼頭又大敗之乘月追至嘉禾之土橋墟共殺賊七八百名生擒賊軍師楊茂枝等四十五犯夜間聞深山密箐中號哭呼伴聲蹤迹之得百餘名分別斬釋十四日沿途大索山谷擒斬二百餘名探知逆首朱洪英率死黨將由臨武搖山出廣東連州東陂觀王鑫卽率勇追之師行懸崖峭壁間探附而前荒山人煙絕少軍士飢勞殊甚乃選健者三百餘以行是夜抵八畝田探賊甫由此過十六日追及於連州屬之茶坪賊卽狂奔各勇且追且殺行四十餘里殺賊二百餘獲賊軍師謝順太及先鋒十餘賊十七日復追及連州屬之東陂觀除沿途搜斬外其由鄉民擒

駱文忠奏稿卷四

三

送正法者百餘并擒獲朱逆妻妾三名正法十八日官軍及鄉民擒獲賊黨百三十五犯斬之其孫行五陳光全兩賊則朱逆死黨也據生賊供朱逆有隻身藏匿陽家觀之說移文連州索之未獲連日搜山共獲八十餘賊內有賊目許四蔣四仔兩犯其分捕新田東山嶺嘉禾普安墟及桂陽州境者亦均有斬獲此江華收復後賊匪東竄王鑫追剿八晝夜直過廣東連州界連獲大勝擒斬多名之實在情形也其先由王鑫派出永明七都剿賊之守備黃輔鼎等於正月十一日追賊至廣西富川縣麥嶺月塘等處殺賊數十名該匪等旋竄踞江華白芒營黃輔鼎等於十四日追至白芒營殺賊二十餘名十五日復督各勇分路奮擊殺賊五六百名

生擒三十餘名奪獲偽印二顆子藥兩石大小旂幟七十餘面擡礮十一位鳥槍五十餘杆籐牌刀矛多件餘匪四竄江華永明境內亦已肅清臣維江華一股多廣東及郴桂積匪而蕭元發爲之魁永明一股多廣西及永州各屬積匪而朱洪英爲之魁其由永明併竄江華蓋思由甯遠嘉禾竄出與郴城巨股會合也既聞郴賊敗滅逆渠授首始變計由嘉禾藍山迅竄粵東以合連州陽山敗殘之匪非王鑫督勇窮追晝夜兼程痛勦則稽誅猾寇必又展轉勾結貽害無窮見據甯遠藍山嘉禾臨武各屬稟報當賊匪竄過時督勇截勦及團紳擒獲解審正法者不下數百名據衡永郴桂道轉據嘉禾縣稟解自行投案之首逆焦三卽焦玉晶女賊許

駱文忠奏稿卷四

三

氏卽許月桂到省當卽飭臬司提訊據焦三供卽咸豐二年廣西陣擒首逆洪大全之弟許氏女卽洪大全之妻臣查焦三一犯卽臣上年所奏土匪頭目之興甯縣焦姓許月桂卽前摺內所指郴州女賊許氏其是否逆首洪大全之弟與妻固無從查詰當廣東賊竄陷郴州時該犯等乘機倡亂聚眾數千許氏女自稱大元帥焦三充當三省賊營軍師攻城掠野罪大惡極因官軍屢次痛勦力窮勢蹙始束身歸命希圖免死與尋常盜賊乞撫者不同當卽恭請

王命將該首逆焦三許氏女兩犯綁赴市曹凌遲處死以昭炯戒隨接甯遠縣稟拏獲騎馬女賊許香桂卽許月桂之妹解赴郴州

審訊臣當札飭就地正法以儆兇頑其首逆蕭元發一犯據王鑫稟據賊供該逆於正月十三夜在嘉禾縣虎渡口地方服毒自盡尚無確據朱洪英一犯見已咨兩廣督撫臣飭屬密速緝緝并札飭南路各州縣督團嚴拏矣此次在事員弁紳勇奮勉出力見在南路肅清可否由臣核明彙案保奏之處伏候

聖裁委紳選用道王鑫督勇追剿艱苦備臻勞績卓著該紳前於奏保同知直隸州後因咸豐四年在羊樓司剿賊失利經臣奏請革職嗣於道州等處剿賊疊著戰功蒙

恩開復前官准部咨訪飭令該紳繳納捐復銀兩可否免其繳捐以道員歸部卽選出自

駱文忠奏稿卷四

壹

天恩其失事之署江華縣知縣任立誠把總李貴芳雖隨同收復縣城然究屬疏防於前應請

旨革職以示薄懲所有收復城池大獲勝仗情形謹據實馳奏伏乞

皇上聖鑒訓示施行謹 奏

硃批另有旨欽此

咸豐六年三月初五日內閣奉

上諭駱秉章奏收復永明江華兩城追賊疊勝南路肅清一招湖南永明江華兩縣爲廣東廣西匪徒竄踞經駱秉章密飭選用道王鑫由郴州分軍援剿上年十二月間署江藍廳同知顏培肅等

兵勇在永明之午田橋等處擊賊獲勝擒斬甚多王鑫克復郴州旋督大隊馳往合剿十二月二十日賊匪聞風潛遁顏培甫等督勇追截斃賊數百旋即收復縣城搜斬餘匪數十人王鑫等即移軍馳剿江華之江東埠毛坪等處擊賊連勝適永明遁出餘匪俱竄江華縣城王鑫追至城外三里亭連戰斃賊各數百名百餘名不等至本年正月初八日疊破城東賊營進逼縣城初九日大舉環攻擊斃城上賊百餘人賊乘夜遁逃我軍追殺及落水斃者無算次日收復江華縣城王鑫復率勇跟追由藍山嘉禾等處直至廣東之連州茶坪等處沿途殺賊千餘其先由永明竄匪有逃回廣西者亦經守備黃輔鼎等分赴廣西富川縣麥嶺等處及江華

駱文忠奏稿卷四

美

縣白芒營搜剿斃賊各數百名此時湖南南境業已肅清其零星竄匿餘匪均被各屬紳團擒解正法所辦尙屬妥協選用道王鑫督勇剿賊厥功最著著以道員歸部卽選并免其繳納前次捐復銀兩其餘在事出力員弁紳勇著駱秉章核明彙案保奏署江華縣知縣任立誠把總李貴芳雖隨同收復縣城究屬疏防於前均著革職以示薄懲該部知道欽此

援江官軍兩路獲勝克復萍鄉縣城摺

咸豐六年二月二十四日

奏爲官軍援剿江西兩路均獲勝仗克復萍鄉縣城恭摺馳奏仰

祈

聖鑒事竊臣於上年十二月十六日欽奉

諭旨選派精勁兵勇二千名交劉長佑管帶刻日前赴江西協力
攻剿本年正月初三日謹附片覆奏江西西路臨江瑞州袁州三
府所屬均已淪陷吉安府城亦正被圍劉長佑帶兵勇二千名仍
嫌單薄已抽調南北兩路各勇先赴醴陵瀏陽邊界俟劉長佑進
剿分隸數營合成四五千之數以厚其勢拜摺後據委赴醴陵管
帶平勇藍翎從九毛英勃先後稟報踞袁州府城逆賊遣僞監軍

駱文忠奏稿卷四

七

田姓帶賊闖入萍鄉縣城萍鄉縣知縣萬清移請迅卽援剿毛英
勃等帶勇三百率同虎威勇遽往攻之斃賊數十名卽入縣城據
守臣比以援師未集逆賊詭詐多端該從九孤軍輕進可慮批飭
相機出險旋據管帶靖勇儘先訓導丁際可稟報毛英勃於上年
十二月二十九日出隊至蘆溪遇賊眾數千突至毛英勃率其弟
六品軍功毛英俊督勇力戰殺賊數十名嗣因路徑生疏眾寡不
敵被賊四面圍裹毛英勃左右衝突身受二十八創毛英俊身受
三十餘創力竭捐軀陣亡勇丁二十六名幸前調之都司田興恕
守備梁開國適於本年正月初一日帶勇到界結營楚東橋賊始
卻退卽選道劉長佑於正月十七日抵省臣面與商酌楚軍越境

須由瀏陽醴陵分攻萍鄉萬載兩縣克復始可規復袁州蓋以江西西路諸郡縣均淪於賊賊已徧設僞官迫脅士民蓄髮立團爲抗拒援軍之計千餘里間頓成異域湖北之賊又隨時添入援軍若止從一路前進賊必悉力抗拒攻克爲難且進剿一處則附近邊界股匪均須乘勢掃除否則懸軍深入餉道堪虞前旣無會剿之兵後且虞抄襲之寇所當預爲籌慮以策萬全也臣當札飭瀏醴兩界官軍歸劉長佑統領合之劉長佑舊部楚勇一千五百名又增募六百餘名共近五千之數令其馳赴醴陵相機進剿并札駐瀏陽界之卽選同知直隸州知州蕭啟江等聽劉長佑調遣以一事權二月初四日劉長佑兵進黃花渡初六日出隊至青山鋪

駱文忠奏稿卷四

三

遣守備梁開國千總石有周帶勇數十前往覘城賊且以誘之逆賊三四百自萍鄉城突出遮擊梁開國石有周猛撲之斃賊十餘名忽城中賊三四千分三路奔來梁開國等且戰且誘將至青山鋪劉長佑督大隊分三路拒之梁開國躍馬衝入立斬執大旗紅衣賊目一名餘眾敗退楚勇及虎威勇從旁抄擊斃賊數十其右路之賊從山後抄來虎威勇目沈宏富與楚勇梁熊彪衝上山梁千總李承立帶勇抄出賊後賊紛紛墜崖死兩路追逼城根賊固匿不出其左路之賊將從青山鋪抄官軍之後劉長佑督諸勇返擊衝賊陣爲兩追殺七八里始收隊回營是日斃賊二百餘名割獲首級七十五顆奪獲擡槍四杆鳥槍五杆刀矛九十餘件賊敗

退後邀袁州府城長髮老賊前來助逆十一日卯刻賊傾巢分路來撲營盤劉長佑傳令分路痛擊其由中路先來者黃衣騎馬賊目扼葡萄嶺峽口督之槍礮噴筒齊施官軍開放連環槍礮畢刀矛隊蛇行而進立斃紅旂賊目一名并生擒僞百長一名賊殊死戰不退劉長佑率百長石有周黃盛嶽等由路旁村莊抄出陣後衝賊爲兩後隊賊敗退峽口之賊三百餘急欲退走已爲官軍前後遮截黃衣賊目走匿路旁賀家大屋眾賊隨之官軍四面圍逼老賊數十人騰躍上屋擲瓦下擊楚勇百長李光祝鄭金華李道達虎威勇百長沈洪福劉義方王輝二等短刀直入斃賊多名賊紛擲火彈抵拒延燒門壁各勇見火起始反身走出賊隨冒火衝

路文忠奏稿卷四

三

突各勇挺矛以待出卽刺之須臾火勢益熾屋上之賊紛墜火中黃衣賊目知無可逃遂卸衣帽撲火死餘賊俱燼無一脫者其左路之賊經千總李承立督同楚勇百長李明惠翟國彥從山梁壓下陣斬先鋒賊數名餘賊潰走右路之賊經祁勇百長唐三祚羅忠餘文士平楚勇百長殷開選漆盛年等奮擊槍礮之中雜以刀矛斃賊二百餘亦紛紛敗潰賊黨旋聞賊目被官軍圍逼左右兩路仍返旂來撲都司田興恕守備梁開國萍鄉縣知縣萬清把總余步鼇勇目余謀忠軍功向朝洗署袁州都司桂英宜春縣知縣錫榮各帶兵勇助勢掩殺賊復敗走官軍分路尾追沿途斃賊甚眾敗賊入城固拒官軍收隊回營是夜四更遙見城外火起劉長

佑知賊將遁傳令出隊守備銜千總黃三清帶祁勇百長李明惠
殷開選鄧在富石有周等帶楚勇由西路田興恕梁開國帶虎威
勇與桂英萬清錫榮拔貢黃敬熙廩生張可坊武舉辛文魁由北
路截殺後隊賊二百餘該逆由袁州大路竄去遂復萍鄉縣城共
計斃賊千餘名生擒副疏附施天祿長髮賊周啟太等四十二名
奪獲大鐵礮三尊擡槍二十一杆鳥槍三十二杆刀矛四百三十
件籐牌五面護天豫胡大黃旂僞將軍楊大黃旂及總制旅帥軍
帥師帥等黃旂紅旂白旂共八十餘杆雜械不計其數此初六日
及十一十二兩日醴陵一路疊獲全勝收復萍鄉縣城實在情形
也其帶勇駐瀏陽界之卽選同知直隸州蕭啟江守備楊恆升於

駱文忠奏稿卷四

單

初九日進駐萬載縣境珠樹潭十一日袁州府城之賊分股同萬
載縣城及大橋之賊數千四路前來撲營蕭啟江楊恆升策馬上
山審視賊蹤見珠樹潭橋南樹林內黃旂時隱時見賊約千餘名
一枝渡橋而北將抄官營之後者約二千餘名一枝繞出河岸趨
珠樹潭市者約一千餘名又一枝繞出山下蕭啟江令湘勇百長
藍翎把總周崇高秦華祝軍功周蘭書率勇二百列隊平岡以遏
橋南樹林之賊令百長軍功彭文德羅全新率勇二百先勦山下
之賊楊恆升親率外委周友勝余萃隆黃開榜軍功王文友王光
明李忠恕甯世杰藍翎外委李世顏戴文嵐軍功余得貴王九思
黃星堂馬明祥等擊渡橋而北之賊派外委黃鵬飛李忠楷軍功

楊恆德助剿撲營之賊彭文德等正與山下之賊相持蕭啟江親率藍翎把總朱桂秋藍翎千總鄒上元由東北山梁馳下分路抄擊山下之賊先潰蕭啟江等遂抄出樹林之前適周崇高等由平岡奮擊將賊盡數偪入樹林楊恆升等擊橋邊之賊賊走平岡乘勢猛撲斃賊甚多復分爲兩翼助剿樹林之賊賊被官軍四面圍偪紛紛亂竄蕭啟江楊恆升督弁勇盡銳衝殺此股鮮得脫者其撲營之賊經候選訓導李續禪率彭文德及黃鵬飛李忠楷等扼之橋邊守營軍功蕭啟淮黃紹山等遂空壁出擊迫之河岸賊沿河潰逃多撲水死者四路賊俱敗始收隊回營是日共計斃賊近千生擒五十二名奪獲藤牌十餘面長矛四百餘杆鳥槍三十餘

駱文忠奏稿卷四

望

杆擡槍四杆大黃旂二十餘面官軍無一陣亡者此十一日瀏陽一路剿賊克獲全勝實在情形也其由江西義甯瑞州各屬窺瀏陽東界者經團紳黎端甫邱兆祥廖文謨劉方昭等督率團勇先後截擊斃賊百數十內有長髮賊目三名生擒十餘名見復增調都司劉培元帶長勇五百五十名都司田興恕帶虎威勇四百名併赴萬載一路會同蕭啟江楊恆升迅將附近股匪剿洗進攻萬載以免後顧之虞臣維此次應援江西實與三年之局不同彼時逆賊由該省北路而來水陸并注省城西路尙無梗阻其旁掠郡邑亦颯忽狎至過而不畱有避賊之民而無從亂之民故楚軍馳援得以徑抵省會此次逆蹤由義甯而擾西路首逆石達開先陷

瑞州次陷臨江袁州探聞吉安亦於正月二十五日被賊攻陷江西西路州縣望風瓦解其不肖士民且以畏賊之故轉而媚賊獻冊輸貲甘心助逆正士良民之勢孤奸徒痞黨之燄熾數郡千里之間無一官一兵相爲聲應楚師出境非克復萍鄉萬載將附近各賊殲除則不能進勦袁州克復袁州之後非又將附近各屬賊匪盡除則不能進勦各郡未復之處既須客軍助勦已復之處又須客兵代防楚師五千雖皆百戰之餘然越境以後兵分力單顧後瞻前動多牽制深恐師行濡滯有誤事機此事勢之不同也逆渠石達開悍而多詐此次肆擾江西不急犯省會不直指南康而先旁收郡縣徧置僞官迫其士民劫以助逆因糧因兵愈蔓愈廣

駱文忠奏稿卷四

呈

其陰謀詭計似思落其枝葉以撼其本根此賊情之不同也江西風氣積柔兵勇見賊卽靡僅恃兵部侍郎臣曾國藩水陸兩軍爲之掎格而曾國藩陸路之兵勇不滿七千戰守俱形單薄以江西見在局勢而論鄂城速下則羅澤南一軍可以倍道馳援固爲上著儻堅城難以遽破而江西盼救甚殷似非閩浙廣三省各簡銳師由該省東路南路速進不可江西地居腹中爲東南四達之區於目前勦賊局勢關係非淺臣既有所見不敢不畢獻其愚是否有當伏候

聖裁所有援江官軍兩路疊獲全勝克復縣城情形謹據實馳奏此次打仗出力文武員弁兵勇可否由臣核明彙案保獎之處出

自

天恩其追賊陣亡死事最慘之藍翎從九毛英勃通城案內擬保縣丞請照縣丞例

賜卹六品軍功毛英俊請照把總例

賜卹以慰忠魂伏候

皇上訓示施行謹 奏

硃批另有旨欽此

咸豐六年三月初五日內閣奉

上諭駱秉章奏官軍援剿江西獲勝并克復萍鄉縣城一摺江西逆匪占踞袁州竄入萍鄉經駱秉章飭令劉長佑統領瀏陽等處

駱文忠奏稿卷四

聖

官軍由醴陵進剿二月初六及十一二等日萍鄉城中突出賊數千疊次來撲劉長佑等分路迎擊先後共斃賊千餘名生擒紅旗賊目及長髮賊等四十餘名割首級七十五顆奪獲礮械旂幟無數縣城旋即克復其帶勇之直隸州蕭啟江等亦於十一日在瀏陽一路剿賊將袁州及萬載之匪約斃千名并生擒五十二名奪獲籐牌槍矛多件官軍無一陣亡克獲全勝其由義甯州等處窺瀏陽東界者又經該處團練先後斃賊百數十名并殲長髮賊目三名生擒十餘名賊勢遂卻此次湖南官軍應援江西兩路疊獲勝仗克復縣城實能不分畛域勦辦尙屬得手著駱秉章迅飭帶兵員弁將萬載一路股匪次第殲除進剿袁州以圖克復所有出

力員弁兵勇著准其彙案酌保追賊之陣亡藍翎從九毛英勃著
照縣丞議卹六品軍功毛英俊著照把總議卹該部知道欽此

奏稿

卷四

駱文忠奏稿卷四

四

龔保寶衡永三府肅清出力文武官紳摺

咸豐六年四月二十三日

奏爲遵

旨保奏懇

恩甄敘以資激勸事竊湖南上年四月廣西逆賊竄陷東安官軍圍攻四月之久始將城池克復首逆朱洪英復竄撲新甯縣城經卽選道劉長佑等擊敗解圍首逆胡有祿竄入祁陽經卽選道王鑫前保副將周雲耀等猛追痛剿全股蕩平并生擒首逆解省審明磔死方逆賊鳴張之時衡陽武岡土匪乘機響應亦經該文武先後設法攻剿得以迅就敕平斷其句結凡賊蹤所至各屬文武團紳皆戮力同心或迎剿或尾追或阻擊或搜斬俾兇氛迅掃永

駱文忠奏稿卷四

呈

州寶慶衡州三府一律肅清實屬著有勞績節經臣隨時陳奏上年九月二十一日欽奉

上諭在事出力官紳弁勇准其擇尤保奏候朕施恩欽此除由外咨記拔補并賞給功牌咨部註冊外茲謹擇其尤爲出力者彙列清單伏懇

皇上天恩加以甄敘庶賞行而有功者勸以彰前勞而策後效均於是乎在矣其王鑫永明一戰出力弁勇曾奉

恩旨保奏亦謹彙入案惟已保副將周雲耀一軍弁勇東安之後原有應邀

獎敘者臣以該副將身殉永明所部弁勇護救不力概予刪除理

合一併聲明伏乞

皇上聖鑒訓示施行謹 奏

硃批另有旨欽此

駱文忠奏稿卷四

吳

援江官軍進逼袁州克復萬載縣城見籌進剿摺咸豐六年五月十七日
奏爲援江官軍兩路疊獲全勝一路直逼袁州府城連破賊營一
路克復萬載縣城恭摺奏祈

聖鑒事竊湖南援江之師克復萍鄉縣城之後逆賊悉力拒守蘆
溪鎮宣風鎮一帶計圖穩抗援師得以堅踞袁郡卽選道劉長佑
駐軍萍鄉城外十里鋪地方一面相機進剿一面安撫民人搜剿
伏匪以清後路二月二十日卯刻賊邀集瑞州臨江兩府老賊數
千分五路前來撲營劉長佑預令楚勇分伏於麻子坪蘇家灣萬
家冲一帶令守營者堅壁勿出度賊已過伏而後擊之又探蘆溪
之賊可由台源白洲小路襲官軍營壘飭守備黃三清帶祁勇頓

駱文忠奏稿卷四

呈

於楊家灣飭楚勇百長鄧在富權華魁帶楚勇頓於橋口要擊之
賊三路絡繹而來漸次逼近營盤楚勇百長李明惠鄭金華江孝
義李光祝鄔世堂石有周守備伍乾典文生宛宗昌等分路衝擊
陣斬先鋒悍賊各數名蘇家灣萬家冲所伏各勇穿入賊陣遇賊
卽砍賊眾敗潰中路之賊直撲十里鋪者猶據街口不退黃衣騎
馬賊目持刀督戰甚急劉長佑令楚勇梁熊彪楊立德佯敗誘之
賊悉眾追來營中開放劈山大礮諸勇乘之亦旋即敗去官軍之
頓楊家灣橋口者將收隊矣忽見東壁山後果有賊二千餘由台
源白洲而來黃三清奮起迎擊袁州都司蔭英千總馬章榮把總
余步鼇率兵勇助戰鄧在富等亦從橋口衝出賊猶不退藍翎從

九劉長健督同百長殷開選漆盛年隔河開放擡槍適斃紅衣騎馬賊目賊隊驚亂始紛紛敗走麻子坪之賊正與楚勇百長翟國彥朱維德等相持見東壁山賊敗始奪路而走適千總李承立帶勇從老虎沖截出鮮得脫者是戰共計斃賊數百名割取首級一百五十三顆生擒陳金農等十七犯奪獲擡槍二十三杆鳥槍三十杆官軍受傷十二名陣亡一名二十六七等日賊分股撲營官軍出隊賊卽反走是處榛山稠密易於設伏官軍未敢輕進三月初三四等日劉長佑移軍進駐高岡埠近徧蘆溪賊營賊固匿不出復於蘆溪東岸之石灣豬婁山西岸聖岡獅子巖老鴉山大山殿等處添築新營十餘座深溝高壘爲久踞計十一日劉長佑飭

駱文忠奏稿卷四

吳

各營分路進剿黃三清梁開國率楚勇百長黃盛岳等由右路廩生劉坤一千總李承立率楚勇百長郭成璋等及郴州勇目崔大光由左路劉長佑自率楚勇李明惠伍乾典劉長健李光祝等由中路遇賊溫江橋楚勇刀矛齊進陣斬先鋒二賊目餘賊辟易忽千餘賊從山旁突出黃三清梁開國帶勇斜出截之劉坤一李成立崔大光等亦於左路繞擊斃賊百餘名賊退劉坤一率勇越街左攻聖岡祠賊壘踰溝而進火及營帳壘垂破矣忽老鴉山一帶賊壘及獅子巖賊壘各出賊數百圖襲我後以救聖岡賊壘之危劉坤一黃三清梁開國及袁州都司桂英勇目崔大光等麾兵邀截擒斬甚多各路賊俱敗退收隊而歸劉長佑以聖岡賊壘不破

則蘆溪要隘終不可奪然官軍專注聖岡則各營之賊猶可分路救護十二日仍親督各營五路并進右路撲獅子巖賊營左路撲老鴉山大山殿一帶賊營大隊由中路前進直逼蘆溪兼禦蘆溪田隴之賊又分三路爲奇兵斷各營賊眾往來援應之路以便直攻聖岡賊壘飭本地監生歐陽承生員劉立基爲嚮導中路更番搦戰賊固匿不出官軍扼其街口賊從蘆溪之右由隴中突出數百人楚勇百長李明惠李得魁羅揚吉奮勇截殺乘勝奪取礮臺賊勢不支仍退伏街內爲街口官軍所扼不復得出其時黃三清等已從大山腳繞攻獅子巖賊營李承立劉長健等徑撲老鴉山大山殿一帶賊營皆值得手之際中路遂分兵與右路合攻聖岡

略文忠奏稿卷四

兗

之賊偪圍數重楚勇百長郭成璋李光祝李道達率勇李華敏高光政鄧善喜夏順春郭有書陳開倫等越濠躍入賊眾驚亂爭出營門楚勇百長鄧在富漆盛年文生許繼衡等堵截廝殺有騎馬賊百餘從壘後突出各勇奮往截之賊猶死鬪傷官軍二人一賊騎白馬穿黃馬褂尤驍悍百長劉世鵬李光祝等挺矛刺之而奪其馬并將各悍賊悉數截斃所刺斃黃馬褂騎馬之賊則賊目總制楊姓也其獅子巖一帶賊營適經黃三清梁開國及宜春萍鄉各官弁帶勇攻破一時火起陣斬黃衣黃帽騎馬賊目二名并搜獲偽將軍印一顆及偽官憑文冊其老鴉山大山殿賊營見聖岡及獅子巖一帶賊壘均破將棄營而奔劉長健崔大光等乘勢薄

之斃賊甚多溺死者無數各營甫破賊壘劉長佑急令劉坤一李承立李明惠伍乾典等悉力攻蘆溪之賊賊方驚亂有滿髮悍賊百餘人持刀督令死鬪巷戰逾時官軍被創者十餘人百長程國彥等仍鼓勇直前賊始敗卻適左路右路各勇均梟水繞截市後而豬塩山石灣四營之賊亦皆棄營而逃官軍分途掩殺十餘里始收隊回營兩戰共破蘆溪一帶賊營十一座斃賊一千數百名內賊目稱總制將軍者各一稱軍帥師帥旅帥者約數十生擒逆賊王繼興等一百五十名割獲首級六百餘顆奪獲大礮十三位擡槍五十六杆鳥槍八十七杆大小黃旂三百一十九面刀矛五百五十六件籐牌七面紅黃風帽十三頂紅黃先鋒帽九十五頂

駱文忠奏稿卷四

辛

黃馬褂紅馬褂共九件黃繖紅繖各一頭巾號衣火藥騾馬鼓角文冊無數而官軍之受傷者共至百餘名之多蘆溪破而宣風之賊亦喪膽竄回袁州府城守城之賊憤其屢爲官軍所敗不許入城另調臨江萬載之長髮賊二千餘來宣風以圖復拒官軍劉長佑已由蘆溪移營前進十七日賊分三路來撲官軍亦分三路擊之中路賊先至百長鄭金華江孝義許繼衡李光祝鄔世堂大呼陷陣楚勇李曉光彭有功劉通國鄒耀麟陣斬騎馬賊五人皆髮長一尺餘者賊始卻退其由左路來者李承立劉坤一督勇奮擊楚勇翟紹常挺矛連刺黃衣賊目二人墜馬賊遽駭走各勇呼譟乘之賊多擠陷水田殲斃甚眾兩路之賊雖敗然猶頓旂嶺上不

遽奔也右路之賊見中左兩路俱敗復敢持牌舞躍而來官軍列爲橫陣施放槍礮斃簾牌賊數名賊乃分股直趨山坡圖抄官軍之後劉長佑麾楚勇及虎威勇馳據山坡截之復麾朱維德等潛由田隴橫過以襲山坡之後賊大驚潰而中左兩路賊匪之頓旂嶺上者遂相率大奔各路官軍從後掩殺賊均棄械狂走有一賊坐龍扛黃轎者乘轎竄逸各勇追之不及僅奪其轎共斃賊四五百名生擒十餘名奪獲擡槍十杆烏槍二十一杆大小黃旂三十二面藤牌八面刀矛各械無數生擒十餘賊二十五日劉長佑移營進駐宣風鎮賊屢次撲營均經擊退袁州府城近歲新修樓堞堅固賊復於城外堅築營壘冀誘官軍深入得憑險以老我師劉

駱文忠奏稿卷四

三

長佑以攻堅必損精銳且各屬匪徒蜂屯蟻集非節節移營搜剿則後顧堪虞四月二十一日移營進紮沙田僅距袁城十餘里是日午刻賊分三路前來撲營官軍陳於十里鋪見賊列隊山上卽向前搦戰賊屹立不動官軍火箭齊施飛中賊隊賊始驚亂遂分隊乘之賊敗回城外大街而城西鳳凰山一帶賊營各出隊遮截官軍劉長佑令楚勇追及大街之賊楚勇百長漆盛年等及黃三清梁開國崔大光各率所部及袁州分宜宜春各勇圍撲賊營正相持間嶺腰之賊千餘從榛山內突出崔大光督勇截殺逾時賊始敗退而黃三清漆盛年等已將鳳凰山賊營攻破矣其越濠竄出者官軍節節追擊擒斬甚多惟附城兩營牆厚濠闊又恃有城

上礮石火器足以相護猝難得手日暮收隊歸營而大街之賊復敢尾追而來官軍反旂擊之擠陷水田者均經官軍刺斃追至城下而返二十二日劉長佑復督各營分三路進剿中路之勇直抵街口賊負固不出於牆隙施放槍礮郭成璋雷榮耀崔大光帶勇從水田繞過山後賊急退據民房官軍拋放火彈火箭頃刻火起燒賊無數李明惠鄭金華黃三清及把總何魁甲等帶勇從左路至見樹林內有伏賊遂分支裹之賊敗入城一騎馬賊目帶悍賊自城中馳出督諸賊轉鬪鄭金華裹創鏖戰各勇短兵相接復斃賊多名適楚勇從林旁開放擡槍將騎馬賊擊斃餘賊始奔追斬過半李成立梁開國及袁州兵勇分撲鳳凰嶺賊壘賊憑壘開放

駱文忠奏稿卷四

五

槍礮城上賊亦開礮護之各勇蛇行而前甫近城濠城中賊分兩路來抄官軍之尾適中左兩路賊俱擊退劉長佑麾令併力助攻右路城中賊見官軍大至當卽潰走各勇施放噴筒火箭火彈賊壘火起其從壘中竄逸者又爲黃三清等截殺殆盡官軍旣連克二堅壘遂乘勝攻城城上飛石火器密如雨下士卒多受傷者遂收隊回營兩日斬賊七八百名生擒四十餘名破賊營七座奪獲擡槍鳥槍三十餘杆黃旂五十四面其焚燬者不計此萍鄉一路官軍破賊要隘連破賊營十七座直逼袁州府城之實在情形也其由瀏陽以攻萬載一軍自二月十一日珠樹潭大捷以後賊悉眾扼守荆樹鋪及大橋以抗我師大橋距萬載縣四十里路通上

高新昌及銅鼓營荆樹鋪距萬載縣六十里路通宜春分宜而皆有股匪分踞冀圖乘官軍進剿則截其餉道以困我師卽選同知蕭啟江都司劉培元田興恕等以兵分則力單而由一路進剿則必墮奸計乃揚言攻大橋之賊而實則乘賊不意以擣荆樹三月初二日夜半捲甲疾趨天明抵一息亭距荆樹僅十二里分兩路潛行賊不意官軍猝至方吹螺聚抗而官軍已據其街口賊奪路欲走而官軍已合圍縱火矣各營方圍捕時忽銜後山上黃旂招颺有賊千餘前來策應蕭啟江田興恕分兵縱擊斃賊數十賊卽翻山四竄官軍掩殺十餘里始行收隊是戰除焚斃外斬賊約七百餘名生擒一百二十餘名燒賊船二十餘隻奪獲大小黃旂三

駱文忠奏稿卷四

十九面擡槍十六杆烏槍十四杆大礮一座藤牌十二面號衣六十件黃袍一件刀矛雜械無數官軍仍收隊回珠潭大營十五日蕭啟江田興恕劉培元楊恆升等帶勇進剿大橋之賊甫行二十餘里抵栗樹坳忽大雨如注乃就林中安鍋造飯探報有賊千餘突至旂幟徧滿山谷楊恆升急登嶺審視賊蹤隨令兵勇分路拒敵蕭啟江田興恕劉培元各分隊爲數路凡山間有蹊徑可通人者則徧布以截之賊踞山巔擲石下擊楊恆升劉培元田興恕等各棄馬持短刀冒險上山力戰斬黃衣賊目數人田興恕身受石傷猶手刃二賊蕭啟江恰由中路山坳馳來湘勇百長易鴻陸周崇高亦率隊繼至賊知不敵遂紛紛棄械由山後逃走官軍亦四

散追之賊至山下溪邊頓旂拒官軍挺矛齊刺立斃執旂賊十餘餘賊奔潰官軍以空腹鏖戰未便窮追遂卽收隊是戰共斃賊二百餘生擒三十五犯奪獲大小黃旂十一面火藥十五桶鉛子八桶擡槍十二杆烏槍十五杆繡花袍一件號衣五十三件偽印二顆刀矛無數十六日卯刻卽拔營趨大橋大橋賊營十座計賊不下五千聞昨栗樹坳之敗震懼失措其夜遂棄營而走蕭啟江等旣駐營大橋而上高新昌之賊二千餘於十八日突至白梁地方將圖抄截官軍後路適蕭啟江等各營派隊巡哨半途遇賊擬保把總蕭啟淮易鴻陸藍翎把總余斌元孫均劉吉三等所帶之勇不過千餘整隊迎戰賊分三枝一據右路高岡一據左路山坡

路文忠奏稿卷四

五

其大隊則排列中路田隴欺官軍少吹號搖旂而進勢甚兇猛官軍分三路拒之每路僅三百餘人然皆屢勝之卒視賊蔑如前隊槍礮施放未畢刀矛隊大呼陷陣賊遂驚潰官軍乘勢掩殺追至十餘里共斃賊七百餘生擒九十三犯奪獲大小黃旂二十四面號衣四十六件擡槍十杆烏槍十一杆子藥十三桶刀矛雜械無數賊詢知官軍駐大橋時調上高新昌之賊往來各界以牽綴我師而暗約袁州之賊三千餘將由荆樹鋪直擣珠潭二十一日守備楊恆升自大橋拔營回駐珠潭午刻甫抵河岸適賊分三路驟至萬載知縣李吉言原帶駐珠潭之瀏勇勢正不支楊恆升拍馬疾馳分所部長勝軍六百名爲五隊奮威衝殺賊不意援軍速至

卽相率驚潰藍翎把總余斌元藍翎外委黃鵬飛李忠楷等挺矛大呼乘勢掩殺斬賊數百名生擒數十名奪獲大小黃旗四十一面藤牌十面擡烏槍十二杆長矛二百三十九杆雜械無數賊意官軍旣回珠潭則大橋之備必虛二十二日復率賊眾數千潛來撲營蕭啟江田興恕劉培元嚴陣以待賊知有備不敢遽進時日已正午各傳令士卒飽餐出隊以八隊爲正兵以兩隊伏山谷爲奇兵湘勇先遇賊正相持間檫山內伏賊突起各勇稍卻湘勇胡中和劉喜益等飛馳助戰伏賊始敗適田興恕劉培元已將各股賊擊退尾賊而來見賊勢猶猛遂各分路抄之田興恕從左路衝入手刃三賊劉培元從右路衝入奮力衝擊始將此股盡數殲除

駱文忠奏稿卷四

壹

各營合隊乘勝追殺賊頓旂則撲之賊走則追之約二十餘里始收隊歸營共殺賊七八百名生擒四十七名奪獲大小旂三十九面擡烏槍十五杆藤牌七面刀矛無數四月初三日萬載竹埠高城等處賊匪糾合上高之賊萬餘分三路齊來撲營蕭啟江與田興恕劉培元以眾寡不敵宜俟其倦乏擊之乃傳令謹守營壘捲旂閉柵故示以弱踰兩時許左右兩路之賊漫山而至中路繼之每路又各分三路呼譟索戰一從關山坳撲田興恕營一從山嶺而下撲劉培元營一從田隴渡水撲蕭啟江營火箭噴筒槍礮齊施煙燄迷漫咫尺不辨各勇始卓旂開槍拒敵忽大雨如注賊之火器盡溼技無所施蕭啟江等令各勇以劈山礮向賊隊密處轟

擊斃賊頗多賊之後隊亂而前隊猶冒死紛撲蕭啟江田興恕劉培元等乃列隊營外各分爲數隊穿入賊陣刀矛并舉前隊賊始敗走官軍薄之於河溺斃無數是戰共斃賊千餘名生擒百餘名奪獲大小旂幟三十四面擡礮五杆擡鳥槍二十六杆號衣紅巾籐牌藥包無數十三日蕭啟江田興恕劉培元進擊高城竹埠之賊賊傾巢出拒旋即敗潰田興恕劉培元分隊抄擊且追且勦共斃賊六百餘名生擒二十四犯奪獲大小旂幟一百一十面擡鳥槍十三杆收隊回營萬載賊於十四日棄城遁走屯於近城二十里內外意俟官軍入城則襲攻之而絕其後路官軍詢知其詐按兵不進賊復據城如故并邀吉安粵賊葛廷黃崇開等率賊助守

駱文忠奏稿卷四

美

二十八日蕭啟江田興恕劉培元等自大橋拔營知縣李吉言及其弟李審言率萬載縣紳舉人辛辰雲謝大舒曹瑞祥等督勇隨之楊恆升自珠潭拔營兩路約攻萬載會於竹埠南安營賊已分三路來撲廩戰良久賊勢不支且潰且走官軍且戰且追直薄城根連踏西門外賊營三座南門外賊營一座北門外賊營二座賊踉蹌入城官軍躡蹤追之賊由東門狂走官軍掩追十餘里始收隊而還二十九日蕭啟江田興恕已革千總伍化蛟藍翎把總黎得勝營於南門外劉培元楊恆升營於西門外正紮營聞探報有賊三千餘前來撲營蕭啟江等列隊迎之行二里許即與賊遇官軍以百數十人向前誘戰而分伏大隊於左右山岡以待賊見官

軍退走遽前徧之四路伏兵齊發田興怒怒馬衝截連刃五賊楊恆升劉培元所部勇各由兩路抄至槍礮之聲震撼山谷賊眾敗潰官軍追至一十里外收隊而還兩日斃賊九百餘名生擒四十餘名奪獲大小旗幟六十九面擡槍二十八杆鳥槍三十六杆號衣紅巾雜械無數此萬載一路官軍節次鏖戰均獲全勝共破賊營十餘座克復萬載縣城之實在情形也臣維逆賊竄入江西疊陷該省西路各府州縣城池徧設偽官劫民從逆湖南與江西連界各州縣南自桂東北抵平江界外皆淪爲異域文報已久不通援師自瀏陽醴陵出境節節攻剿共計兩路大小各數十戰先後斃賊實一萬有奇而官軍受傷者僅百餘名陣亡者不過二十餘

駱文忠奏稿卷四

七

名將士之用命賊匪之無能亦可概見然曠日持久始克兩城不能成長驅席捲之勢者實以江西西路城邑市鎮徧爲賊踞其與湖南接界各處南北絲互千餘里勢若長蛇援師從醴陵瀏陽分道出境轉戰而前雖速克萍鄉萬載徑抵袁州城下然其勢正如擊長蛇之腰防其首尾俱應萬載之北則義甯銅鼓上高新昌等縣袁州之南則蓮花廳安福永新永甯等縣皆有閒道可抄援軍後路欲分兵馳剿則恐袁萬之賊乘吾虛欲合兵進剿則虞各廳縣之賊躡吾後屢據劉長佑蕭啟江等稟請增調勁勇臣已陸續調撥三千餘名合之原調出境之師已近八千矣然合之當一路而覺其有餘分之剿兩路而仍嫌不足論湖南援江全局除見由

醴瀏兩軍迸進爲中路外北路應從平江出一軍勦新昌上高以復瑞州南路應從酃茶出一軍勦永新永甯蓮花廳以復吉安庶彼此不爲賊所牽制得以一意進取而湖南之援可速江西之禍可紓無如餉項搜括早空兩路援師且虞飢潰更何從籌辦兩軍之餉前准湖北撫臣胡林翼咨稱已派曾國華劉騰鴻等帶勇援江將由崇通勦賊以抵新昌與蕭啟江一軍會合并進是北路一軍尙有可望頃據劉長佑蕭啟江稟報袁州新添臨瑞悍賊數千距萬載二十里之斗門一帶亦新添奉新上高賊數千大橋一帶亦有新昌之賊數千竄近臣擬察度情形如兩路賊勢日增兩路官軍實形單薄尙應隨時派撥以厚其力兵機瞬息千變臣維當

悉心籌畫以求稍紓

駱文忠奏稿卷四

三

皇上宵旰憂勤此次援江官軍節節攻勦疊獲全勝克城奪隘殺賊極多在事文武兵勇實爲出力可否准臣彙案保獎之處出自天恩謹據實馳奏伏候

聖鑒訓示施行謹 奏

硃批另有旨欽此

咸豐六年五月二十六日內閣奉

上諭駱秉章奏援軍進逼袁州克復萬載見籌進勦情形一摺湖南赴援江西官軍自劉長佑一軍克復萍鄉縣城蕭啟江一軍在萬載獲勝後其袁州分股之賊堅拒蘆溪鎮一帶出賊數千陡撲

萍鄉城外官軍營盤經劉長佑分派兵勇設伏迎截斃賊數百卽於三月初三日移營進徧蘆溪蘆溪之石灣豬窠山聖岡獅子崖老鴉山大山殿等處賊壘林立劉長佑親督各營先攻聖岡賊壘而分飭各軍左右抄截斷其援應之路十一十二兩日共斃賊一千數百人僞總制將軍等數十人生擒百五十人奪獲槍礮刀矛無數聖岡賊壘一破其餘各壘之賊皆棄營而逃踏破賊巢十一座遂克蘆溪十七日復斃賊四五百名進駐宣風鎮二十一日進駐沙田直徧袁州府城敗賊於城西之鳳凰山破其堅壘直抵城下該逆兇悍異常屢出突撲官軍縱橫衝盪縱火焚攻愈接愈奮復斬賊七八百名賊遂堅匿城中死守不出其萬載縣踞城之

駱文忠奏稿卷四

五

賊悉力拒守荆樹鋪一帶同知蕭啟江等揚言欲攻大橋而捲甲疾趨於三月初六日夜半直抵該處出賊不意縱火合圍斬賊七百餘人燒船二十餘隻十五日復敗賊於栗樹坳擒斬二百餘人十六日徧賊於大橋十壘之賊五千餘人悉數宵遁二十一日賊知官軍盡駐大橋暗約袁州之賊三千餘人圖襲珠樹潭舊營守備楊恆升以六百人回援斬其悍賊數百名蕭啟江等大橋一軍亦斃賊七八百人追奔二十餘里四月初三日賊以萬眾來撲官軍嚴陳以待突起奮擊斃賊復以千計該逆計無所施遂空城以誘官軍深入蕭啟江詎知其詐按兵不進賊復回城死守官軍偵知該逆入城於二十八日大舉圍攻連日毀賊營六座遂克縣城

屯兵城外賊之折回撲營者復經官軍殲斃九百餘人賊黨敗潰
遠颺此次兩路官軍以少擊眾屢獲全勝勦辦尙爲得手著駱秉
章督飭該員等實力進攻以次克復毋任該逆久踞堅城所有出
力文武兵勇著該撫查明彙案請獎以示鼓勵欽此

賂文忠奏稿卷四

官軍越境追勦粵匪疊勝王道因病請假未能速援江西摺

咸豐六年

五月十七日

奏爲官軍越境追勦廣西賊匪直至連州陽山地方屢獲勝仗并覆陳卽選道王鑫因病請假未能速援江西情由恭摺奏祈

聖鑒事竊委紳卽選道王鑫於江華克復之後追賊直過廣東連州東陂觀地方疊獲勝仗情形已經臣奏明在案王鑫以頻年湖南南路均受兩廣之害上年郴桂所殺之粵賊實不下二萬數千而首逆陳金剛及土匪頭目蕭元發李石保王大才漏網逸去廣東連州匪盜素多前年克復該州城池之後未及搜勦比陳金剛等餘匪竄入該州匪徒乘機響應嘯聚日多而著名首逆朱洪英

駱文忠奏稿卷四

全

聞亦竄匿粵東慮其句結爲兩省患遂星夜督勇徑赴連州會同連州兵勇擊賊於東陂觀雲霧洞何木灣湖江頭夏湟豐陽等處先後擒賊八百餘斬之二月初三日勦洗大東山竄踞連州西岸股匪斃賊千餘十二日又會勦陽山縣西江墟股匪所殺近二千名餘賊奔聚距陽山縣四十里之青蓮地方三月初二日一戰斬賊近千賊仍竄英德之大灣屯聚王鑫擬卽乘勝殲之而所部湘勇追賊出境兩月有餘不習水土染受山嵐瘴癘每日病故者以數十計維時臣以江西賊氛甚熾而廣東又已有兵勇勦賊飛飭王鑫回軍鄙茶聽候調遣并飭其來省面授機宜王鑫亦積勞成疾沿途感受瘴氣病日益增遂班師回楚旋卽稟請恙假就近歸

籍調理四月初一日欽奉

寄諭湖南南境界已肅清選用道王鑫帶勇素稱得力著駱秉章添撥兵勇飭令該員由茶陵州進剿蓮花廳吉安府一帶以爲劉長佑後路策應臣當卽恭錄行知該員以病尙未愈懇請另行派委臣維用兵之道擇將爲先該員王鑫勇而有謀能以寡擊眾見在湖南帶勇文武中實罕其比茲因一時病難驟愈旣未便強之速行而此外堪當一面之寄者又殊難其選容再隨時察看情形妥爲籌辦江西與湖南輔車相依苟可稍爲盡力臣亦必竭蹶圖之也所有王鑫越境剿賊獲勝及因病未能馳援江西緣由謹據實陳奏伏乞

駱文忠奏稿卷四

三

聖鑒訓示施行謹 奏

硃批知道了欽此

覆陳夏藩司朱牧能否帶勇赴援江西片

咸豐六年五月十七日

再臣前奉

寄諭降調湖北藩司夏廷樾因病告假聞在長沙就醫業已痊愈前郴州知州朱孫詒丁憂後尙在湖南省該二員均籍隸江西若令協帶兵勇赴援能否得力并著駱秉章查明具奏欽此臣查夏廷樾朱孫詒兩員由湖南知縣洊升今職歷著循聲均曾帶勇剿賊咸豐三年援江之役該兩員均經臣派委帶勇前往著有勞績夏廷樾於咸豐四年赴四川鹽茶道任途次連奉

恩命擢任湖北藩司溽暑遄征感受風溼致患足疾降調後來南就醫雖精神一切均已如常惟步履尙未全愈見在趕緊調理可

駱文忠奏稿卷四

查

冀復元一俟痊愈可卽馳赴援江行營協同勦辦朱孫詒丁憂後因畱算交代在楚見委辦局務從前所帶湘勇久已散隸江西湖北各營一時難以復集惟見在帶勇之劉長佑蕭啟江等皆與兩員素稱契合若令前往各營協帶壯勇自可期其得力容臣察看情形如夏廷樾足疾全愈朱孫詒能招集親信得力弁勇當卽調赴各營協勦謹據實覆奏伏候

訓示謹 奏

硃批覽欽此

江西賊匪竄犯湖南東路各屬邊界官軍團勇擊退獲勝摺

咸豐六年

五月十七日

奏爲江西賊匪先後竄犯瀏陽攸縣酃縣茶陵州桂東各屬邊界均經官軍團勇擊退疊獲全勝恭摺奏祈

聖鑒事竊逆賊竄擾江西該省西路自贛州以北各府所屬地方千餘里均淪於賊而皆與湖南東路各屬爲鄰臣於援師出境之後一面調派官軍酌各屬之衝僻險易分布防堵并飭各州縣嚴飭團紳帶勇守隘以補兵力之不逮其由江西萬載上高犯瀏陽南界者二月二十三日派防虎坳之守備銜卽補千總楊虎臣率存營湘勇三百名前往迎擊甫至小洞遇賊大隊數千突至黃旂

駱文忠奏稿卷四

查

紅巾徧滿山谷楊虎臣以地勢崎嶇不便布陣且賊眾勇寡宜據地利令各勇誘賊至虎坳營次而後擊之賊詎知虎坳駐勇五百其二百名已分防鐵柱關欺官軍勢單蜂擁而進直逼對面山岡岡下懸巖一徑陡仄湘勇排隊施放槍礮斃賊多名賊不敢過然猶屹立不退左路之賊忽翻山徑撲營前楊虎臣連開劈山礮飽以羣子向賊最多處擊之立斃紅巾騎馬賊一名餘賊紛紛倒地各勇鼓譟乘之刀矛并進斃賊數十賊始潰走山岡之賊見左路賊敗亦紛紛潰竄各勇急起躡之營中長夫亦空壁逐利挺矛追賊賊自相蹂藉紛紛墮巖而斃比鐵柱關分防之勇聞警馳回則賊已敗退半時矣團紳李咸熙率勇由小路繞截而來亦生擒敗

匪十一名當卽正法共計斬賊百數十級傷賊無數奪獲擡礮十
一杆鳥槍十六杆籐牌九面刀矛百數十件是役雖斬馘無多而
以三百之勇敗數千之賊僅陣亡壯勇一名實亦僅見之事其由
江西義甯奉新竄擾銅鼓犯瀏陽東界者管帶靖勇訓導丁際可
於二十一日派軍功候選未入流吳宗渭軍功儲開香文生戈鑑
等率所部督同團勇由鐵柱關三路進剿排埠之賊百長張長慶
龍啟貴吳文衡文明卓等奮勇衝鋒殺賊百數十名生擒五名焚
燬賊巢兩處奪獲擡槍鳥槍并妖書偽示等件官軍受傷二名四
月二十三日瀏陽縣知縣袁青綬帶勇巡防東界忽報銅鼓營賊
匪數千潛犯橫山上莊兩界袁青綬當卽派外委高峻團紳冷祖

駱文忠奏稿卷四

奎

綬帶勇馳往策應已刻賊分三路先犯橫山坳經團紳李明雲劉
文波等督勇奮擊上莊團紳廖文謨等帶勇馳援并力夾擊斃賊
百餘名生擒長髮賊童躍龍等五名奪獲大紅旗一面大黃旗二
面小黃旗二面刀矛一百四十餘件黃帽紅巾號衣多件此瀏陽
縣剿賊獲勝情形也其由江西蓮花廳犯攸縣東界者管帶潭勇
善化汛把總胡國安扼之於鸞山四月初九日賊由三斗嶺分竄
至漕泊木宅七里山等處胡國安率勇迎剿斬賊數十賊退去漕
泊木宅一帶官軍進逼之賊出巢抗拒陣斬數十名拋擲火彈燒
燬賊巢賊死無算餘賊逃赴三斗嶺官軍猛躡之嶺上賊分十餘
起齊出抵禦官軍分爲三隊以一隊當中路兩隊分左右抄擊之

賊復退踞嶺巔推擲木石官軍奮威衝上殺賊百數十名焚燒賊巢七座生擒賊監軍黃添盛賊目王約餘李太山等二十一名奪獲旂幟器械各數十件收隊回營五月初四日胡國安會同把總蔡呈祥言秀山哨賊七里山斬賊十餘名此攸縣剿賊獲勝情形也其由江西蓮花廳竄犯茶陵東界者三月二十七日賊二千餘人由高隴分股一撲腰陂行營一犯州城知府銜卽選同知趙煥聯率勇禦之行至貝江遇賊百長黃理元喻萬才督勇迎敵藍翎千總趙福元躍馬衝入賊陣百長喻均懷黃少春由左抄出百長胡有元談心正由右抄出百長鍾明倫趙明亮督勇接應賊勢不支紛紛奔潰官軍乘勢掩殺陣斬賊匪三百餘名生擒十餘名奪

路文忠奏稿卷四

奕

獲劈山礮一尊擡礮五杆烏槍二十一杆長矛五百餘杆大小旂幟五十餘面火藥鉛子九石籐牌雜械無數四月十七日賊復竄至高隴趙煥聯於十八日分路擊之斃賊百餘名生擒長髮賊彭一德等十名奪獲槍礮百餘件此茶陵剿賊獲勝情形也其由江西永甯竄犯鄱縣東界者衡永郴桂道李維醇調前署衡陽縣千總喻元發帶衡勇馳往助剿三月十八日賊由礬頭小路徑撲縣城攻撲東南兩門署鄱縣知縣章保順會同喻元發嬰城固守斃賊數十生擒謝文新等四犯正法隨派典史周賡岐把總劉平壽會督團紳譚振淙段寅清陳章魁等帶團勇三分兩隊出西門潛飭沔渡外委金超羣督勇伏於賊後章保順同教諭鄧丙奎訓

導蘇大鏞分門守禦諭元發帶衛勇由南門突出衝入賊陣周廣岐劉平壽金超羣等各率勇四面圍剿斬執旂賊目七名餘賊五百餘名生擒三十二名奪獲擡槍三杆鳥槍二十五杆刀矛三百五十餘件大小旂幟八十七杆十九日金超羣劉平壽帶勇追賊賊見官軍卽狂走追至界口收隊而還李維醇以鄱縣勇力尙單增調把總鄧湘藍翎外委李誠義藍翎千總周玉輝帶勇四百赴鄱助剿四月二十日賊築營黃烟堡章保順諭元發等派衛勇二百同鄧湘李誠義周玉輝扼沔渡迎擊之先飭典史姚登瀛周廣岐督團勇四百伏九都小路以待二十一日賊眾千數百撲沔渡之營相持未決姚登瀛周廣岐等帶勇潛襲黃烟堡賊營斬守營

路文忠奏稿卷四

七

賊六十餘而奪其營縱生擒二賊往沔渡沔渡之賊聞本營被襲不戰而潰衛勇及鄧湘李誠義周玉輝所帶之勇乘勢縱擊斃賊四百餘名生擒五十三名奪獲大礮二尊擡鳥槍二十一杆火藥鉛彈七百餘斤旂幟刀矛三百四十餘件偽印兩顆此鄱縣守城擊賊獲勝情形也其由江西龍泉上猶竄犯桂東邊界者四月初六日升用同知直隸州知州桂東縣知縣苗如璋率紳勇迎擊之三都下堡殺賊十餘名生擒穿黃馬褂長髮賊目一名初七日有賊千餘由大汾大沙分路前來帶勇六品軍功童生胡保南迎剿斃賊百餘名生擒十一名十九日有賊四五百突入大汾三都團紳帶勇星夜馳抵下堡賊方酣臥民房二十日黎明團紳督勇潛

至將民房圍住截殺殲斃甚眾生擒十餘名并奪獲旂幟器械等件二十一日賊二千餘由大汾大沙左安三路來犯六品軍功武童李耀南武生何寅清帶勇擊其左六品軍功武童羅貴奇帶勇擊其右軍功文童胡保南帶勇由中路迎勦行抵中堡遇賊轟斃執大旂黃馬褂賊目一名賊始潰走團練四面環攻李耀南何寅清羅貴奇等亦分路抄截適典史陳霖千總何來德率武生陳冠常羅冠卿等帶兵勇二百由上堡馳來會勦附近居民男婦齊上山巔大呼殺賊聲震山谷文生李召棠九品軍功黃德才各帶勇均由閒道繞出截殺共斃賊數百名割獲首級二百顆生擒十餘名奪獲大小黃旂四十面擡槍二杆檯礮五尊烏槍六杆大轎一

賂文忠奏稿卷四

突

乘竹轎八乘馬一匹二十三兩日胡保南等連擊賊於大汾墟等處復斃賊數百名割獲首級二百餘顆拔貢吳齊乙監生黃桂芳等帶勇勦江西上猶之賊於猴子嶺等處亦斃賊數十賊竄入龍泉併爲一股吳齊乙等從後追至胡保南等分隊設伏伺之三都下堡比賊至四面圍擊斃賊甚多內有長髮賊目十七名奪獲器械馬匹旂幟多件此桂東縣勦賊獲勝情形也臣維湖南東路與江西毗連各處僅一山之隔江西有事則湖南防不勝防賊隨地徧設僞官江西各處土匪蜂屯蟻聚其士民多以身家之故勉被徧脅受賊驅使不能自拔以故長髮賊數百入境旬日之間嘯聚輒以數千計其窺伺湖南各屬邊界者每起多則數千少亦千

餘苟一處疏防則各路爲之奪氣幸仰仗

天威士卒紳民敵愾同仇均獲全勝楚疆晏然所有在事出力之文武員弁紳勇可否擇其尤者核明保奏之處出自

天恩伏乞

聖鑒訓示施行謹 奏

硃批知道了著准其擇尤保奏欽此

賚文忠奏稿卷四

堯

賊犯湖北通城江道血戰捐軀懇

恩優卹捐

咸豐六年五月十七日

奏爲賊犯通城湖南帶勇委紳血戰捐軀懇

恩優卹以慰忠魂事竊上年武漢復陷後臣調委紳候選道江忠濟統帶楚勇往駐岳州兼堵崇通之賊所有節次勦賊獲勝情形均經奏報在案自上年十一月以後通城復陷逆賊條聚條散飄忽無常江忠濟屢請移軍防勦臣以岳州縮轂江湖形勢最要移重鎮以防一隅殊爲失策且賊匪聞大隊前往必預先避匿難期得手若僅以偏師移駐又恐形見勢絀反啟戎心不如多發偵探派隊雕勦爲宜江忠濟隨派藍翎千總徐以祥江孝聞等帶勇時赴通城邊界相機辦理先後在通城土坳馬家橋一帶接仗獲勝擒斬賊目簡金堂等解送岳州大營正法徐以祥等旋收復通城搜斬土匪旋擊崇陽沙坻之賊擒斬三百餘名將拔營回岳而通城士民紛紛籲畱請俟湖北派兵下縣再行撤回自是徐以祥等遂駐通城先後防勦撲營之賊及大橋白泥橋高規大溪洞龍窩園之賊均擒斬多名并斬賊目毛玉恆僞旅帥徐致得等數名探報武昌城中逸出賊目指揮何姓僞將軍謝國俊等帶賊眾二千到崇陽糾合通山興國土匪將撲通城江忠濟慮徐以祥等勇力尙單不能抵禦而通城士民又懇請濟師卽帶勇馳赴通城督戰二月初十日賊四五千分三路來撲營盤江忠濟見賊隊甚整呼譟搥戰而不遽前知其有伏令各勇堅壁勿出以挫其銳踰兩

時許賊眾蜂擁而至近偪濠邊江忠濟始開營門躍馬大呼突出各勇刀矛齊進陣斬騎馬賊目四名而獲其僞印僞照其一則僞將軍謝國俊也賊眾敗走楚勇乘之沿途分隊搜伏且追且殺復斃賊六七百名內有騎馬賊目二名生擒楊善成等五十名割取滿髮首級二百一十八顆奪獲大黃旗四十七面擡鳥槍三十二杆刀矛六百餘件火藥五桶火箭數百枝火包一石十三日賊復分三路來撲營盤適平江北界帶勇委紳卽選從九品黃新祿帶勇馳至賊當新挫之後又見官軍益增知不可敵甫交鋒卽敗走官軍追之翻山竄去僅斬賊數十而已自是賊目何姓遂由通山竄江西之義甯州糾合湖北通山興國江西武甯義甯之賊并據

駱文忠奏稿卷四

三

脅壯丁誓圖報復通城良民益皇皇然惟恐楚勇之去江忠濟以湖北咸蒲無賊岳州之防稍緩又以賊方往來湖北江西接壤一帶通城適介其閒不可不畱軍以資控扼遂日夜督辦團練冀由通城而漸及通山崇陽俾賊不得蔓延四竄庶於三省大局有神臣壯其志不忍抑之而亦未嘗不慮其疏也屢於批稟中示以通山崇陽民情叵測官軍獲勝則薙髮反正貌爲良民及賊勢稍張則白梃紅巾甘爲賊役通城民情雖不如各處之頑悖性成然苦於柔靡成風不能振作恐團練雖成仍不足恃也四月初一日猶接江忠濟稟報通城圍丁之赴營點驗者一萬五千有餘崇陽通山亦漸有去逆效順之意乃初三日來稟則賊目檢點何姓指揮

姜姓等從義甯入通山潛至崇陽桂口率興國通山崇陽之賊八九千於是日辰刻突撲營盤相距僅里許江忠濟以賊來既眾恐四面圍繞不便出隊隨下令各勇以七成列隊營外俟中營鼓聲起則齊力猛撲之三呼三進賊之後隊已潰各勇急起乘之賊眾大奔追至數里斃賊約二三百名遙見山岡有賊正修築營壘十餘座遽前薄之復殺賊數百毀其四營而還初四日賊仍分三路來撲比近營二里許則分支繞截將各營圍住而通城塘湖麥園一帶土匪二三千亦來助勢江忠濟督各百長分途攻擊自辰至申殺賊約數百賊猶不退忽團勇營中火起江忠濟督勇回救賊四面圍之江忠濟左右衝突身受十餘創猶掣佩刀連刃數賊力

駱文忠奏稿卷四

三

竭遇害賊仇其屢斬賊目并將其手足支解楚勇之同死者數百人藍翎千總擬保守備徐以祥固守營盤開放槍礮斃賊最多直至三更忽大雨如注礮聲始息而全營五百勇丁無一免者此江忠濟移軍通城血戰捐軀四營俱陷死事最烈之實在情形也臣接岳州府平江縣各探報卽飛札管帶由鄂援江之同知銜曾國華知縣劉騰鴻參將普承堯湖南卽補同知吳坤修等由咸甯蒲圻便道進剿而調管帶新練長勝軍之都司余星元守備銜益陽縣千總洪定陞率兵勇二千二百餘屯駐岳州其由通城敗潰之楚勇一千零數十名概行撤遣歸籍其駐岳州老營之楚勇八百名亦一併裁撤臣查卽選道江忠濟係廬州殉難安徽巡撫江忠

源之三弟江忠源兄弟凡四江忠源居長次則見在安徽帶勇之江忠濬次卽江忠濟次則曾經帶勇見告病在籍之江忠淑自粵逆起事以來湖南紳士之帶勇者惟江忠源最早昆弟四人俱帶勇立功而江忠源江忠濟先後殉難事尤可憫江忠濟賦性樸直臨陣勇敢屢著戰功忠義實出天性其遺骸臣已飭平江紳士設法覓獲棺斂回籍可否籲懇

皇上恩施照臬司陣亡例

賜卹藍翎千總徐以祥原係江忠源舊部勇敢樸實常爲軍鋒岳州通城防剿最力擬保都司此次力守孤營一晝夜斃賊甚多主將雖殉猶矢死鏖戰至夜分大雨力竭捐軀實爲可惜可否照都

司例

略文忠奏稿卷四

三

賜卹之處出自

天恩江忠源曾奉

特旨許立專祠江忠濟徐以祥應請

恩准一併附主崇祀庶足以妥忠魂而昭激勸此次楚營員弁陣亡者多容再核明奏請

卹典謹恭摺馳奏伏乞

聖鑒訓示施行謹 奏

硃批另有旨欽此

咸豐六年五月二十六日內閣奉

上諭駱秉章奏道員力戰捐軀懇恩優卹一摺湖南候選道江忠濟駐守岳州堵剿湖北崇陽等處賊匪疊次獲勝上年十一月通城失守經該員派千總徐以祥等帶勇攻克賊匪聚眾報復江忠濟親赴通城督戰二月初十日賊分三路來撲官軍奮勇迎擊陣斬僞將軍謝國俊殲斃逆匪數百名生擒五十名奪獲槍械等無算十三日賊眾復被擊竄逸江忠濟遂駐通城以扼江楚三省要衝四月初三日賊復大至被官軍殲斬數百人并毀賊營四座初四日賊分路來犯圍繞各營江忠濟派隊分途攻擊自辰至申斃賊無數賊猶不退遂致力竭遇害徐以祥固守營盤同時殉難道員江忠濟賦性忠義疊著戰功茲以越境剿賊力戰陣亡深堪憫

駱文忠奏稿卷四

七

惻加恩著照按察使例賜卹并准其入祀江忠源專祠其隨同殉難之千總徐以祥著照都司例賜卹准其一併附祀以慰忠魂欽此

江巡撫之母捐助軍餉請

封片

咸豐六年五月十七日

再上年四月廣西賊竄陷東安縣城臣飭官軍嚴扼由祁陽竄衡州由蘆洪竄寶慶之路而新甯一縣緊連東安山徑叢錯均可由此直趨寶慶臣飛札在籍花翎五品銜訓導江忠淑募勇二千赴東安會剿一以壯東安之勢一以固新甯之防維時郴桂告警巴平戒嚴武岡衡陽土匪又以時竊發兵增餉竭焦灼難堪江忠淑奉札募勇因口糧無措正在萬難之時其母陳氏以所生四子均以帶勇殺賊渥被

天恩當時事艱難之秋尤宜毀家紓難先後湊捐錢一千串銀一千零四十七兩以資其行又懸賞錢六千串以鼓勵各勇用能殲除醜類保固城池事後據江忠淑具稟前來臣覆核無異查原任安徽巡撫臣江忠源殉節廬州已蒙

略文忠奏稿卷四

壹

皇上天恩照總督例賜卹江忠源故父歲貢生江上景存母陳氏均未得有封典查籌餉事例一品封典捐銀一千兩今江忠源之母江陳氏傾家圖報捐數實近萬緡雖據呈稱不敢仰邀議敘惟一門忠義炳耀湖湘有子四人兩殉

國難可否仰懇

天恩給予江忠源父母三代一品封典之處出自

恩施至江忠源中年乏嗣赴廣西帶勇時始立姪孝椿爲嗣見年十六歲江忠源殉節之後月餘遺腹生一子孝棠年僅三歲從前

奏報未經敍及合併聲明謹附奏請

旨

硃批另有旨欽此

咸豐六年五月二十六日內閣奉

上諭駱秉章奏已故巡撫之母捐助軍餉懇請給予封典等語原任安徽巡撫照總督例賜卹江忠源之母江陳氏當伊子江忠淑募勇需餉之時毀家捐助鼓勵軍心洵屬深明大義忠悃可嘉著給予江忠源父母三代一品封典用示朕推恩錫類之至意該部知道欽此

已革晃州廳楊通判請畱任戴罪圖功片

咸豐六年五月二十四日

再前因貴州匪徒竄陷晃州廳旋經收復臣以該廳通判楊泰來并未出力與麻陽縣知縣楊以寶一併參奏請

旨革職拏問奉

上諭晃州廳通判楊泰來麻陽縣知縣楊以寶於廳縣失守雖卽收復并未隨同出力著革職拏問欽此臣查晃州廳孤插黔疆向無城垣廳署後卽係黔地楊泰來平日居官勤慎操守亦好頗得楚黔士民之心臣早有所聞自黔苗不靖以來聯絡黔民合團數月并無疏失此次失事實由銅仁大股匪徒分道猝至團勇未能速集眾寡懸殊失事後又經隨時收復情罪原可未減臣以其時

略文忠奏稿卷四

七

黔中苗匪勢甚鴟張黔省連失數城人無固志若不將失事之員從嚴參辦恐地方官不明守土之義羣起效尤故特附奏嚴參以昭儆戒嗣據署辰沅永靖道程誥稟稱據該廳士民張日輪等及貴州思州銅仁玉屏等府縣邊界士民紛紛赴道呈懇暫畱楊泰來原任旋據張日輪等數十人赴臣衙門投遞呈詞條舉該革員政績願竭力練團殺賊爲該革員贖罪而該革員未卸任之前仍帶黔楚團丁格斃著名匪黨至數十名之多不以待罪稍形鬆懈合無仰懇

天恩俯念邊防喫緊暫畱該革員晃州廳通判原任戴罪圖功以觀後效之處出自

逾格鴻施謹據實陳奏伏乞

皇上聖鑒訓示施行謹 奏

硃批楊泰來平昔居官若何前奏并未聲明遽因士民懇留卽免其罪向來無此政體該革員旣能殺賊數十或者尙能奮勉著暫緩鞫問仍撤任畱於該處協防欽此

保舉省城團防出力官紳摺

咸豐六年六月二十二日

奏爲省城團防出力文武官紳懇

恩鼓勵以昭激勸事竊湖南一省南通嶺嶠北界荆湖西控巫黔東連章貢自咸豐二年粵逆竄過之後內殲土匪外禦鄰氛警報頻仍日不暇給在事文武員弁或辦理局務或分守城堞或盤詰奸細或修葺城垣或監製器械或整理街團時逾三載勢處萬難而在事文武官紳夙夜從公均勦力同心不辭勞瘁以故賊蹤屢徧旋就救平奸謀潛窺隨時弋獲臣與同城文武惟時以忠義激勵人心未嘗以獎敘寵榮爲歆動之計卽各文武官紳亦皆馳驅匪懈勞不言功特其中歷時最久著有微勞者實不乏人未便任

駱文忠奏稿卷四

七

其掩抑謹繕列清單恭呈

御覽伏乞

天恩加以甄敘庶人材益奮眾志成城臣亦得藉收指臂之助矣謹繕摺陳奏伏乞

皇上聖鑒訓示施行謹 奏

硃批另有旨欽此

咸豐六年七月十七日內閣奉

上諭駱秉章奏省城團防出力文武官紳懇恩鼓勵開單呈覽一摺湖南省城自粵逆竄過之後賊蹤屢徧在事文武官紳實力團防時逾三載俾鄰氛土匪悉就救平洵屬著有微勞自應量加獎

勵所有單開各員弁均著照所請獎勵該部知道單併發欽此

駱文忠奏稿卷四

全

